HAII JAN TELLITE

مسرحية من فصلين تأليف: إبراهيم عبد المجيد



تقديم: ألفريد فرج



اهداءات ٤٠٠٠ مجلس الأعلى للثقافة القاهرة

المجلس الأعلى للثقافة

« ۲۲ ساعة » قبل الحرب مسرحية من فصلين

تأليف: إبراهيم عبد المجيد

تقديم: ألفريد فرج



من عالم القصة إلى المسرح

أنفريد فرج

ازدهار المسرح يجتذب الكتّاب إلى مجاله ، من كاتب القصة أو الرواية والشاعر والصحفى وقد استهوتهم تجربة أقلامهم في هذا النوع الأدبى الساحر وهو الدراما

فى الستينيات اجتذبت نهضة المسرح أقلام كتاب القصة القصيرة: نعمان عاشور ويوسف إدريس وسعد الدين وهبه ، كما اجتذبت من دنيا الشعر الفصيح عبد الرحمن الشرقاوى وصلاح عبد الصبور ، فكان إسهامهم فى مجال الدراما والأدب المسرحى من أبرز إنجازاتهم فى الأدب ، كما كان من أبرز إنجازات الدراما فى نهضة المسرح فى السينيات .

وها نحن نرحب بكاتب الرواية إبراهيم عبد المجيد في أول تجربة مسرَّحية بقلمه وهي مسرحية « ٢٤ ساعة قبل الحرب »، ويسعدنا أن تكون بادرة إقبال جديد من كتاب القصة إلى كتابة الدراما المسرحية ، ليساهموا بأقلامهم في أحداث نهضة مقبلة للمسرح أرى تباشيرها فيما يقدمه مسرح الدولة هذا العام .

وربما كانت الدراما من بين الأنواع الأدبية الأكثر التزامًا بالقواعد الصارمة ، مثل توقيتات الأداء من ساعتين إلى ثلاث ساعات ، وقبل مراعاة أصول مخاطبة الجمهور من حيث الأمانة والجرس اللغوى الشفاهي وتداول الحوار ، ومثل توفر القصد الفكري أو الفلسفي من خلال التصوير الواقعي أو التعبيري لمصائر الانتلجسيات .

ومع ضرورة مثل هذا الالتزام فقد اتصلت الدراما مع دارس الحداثة وما بعد الحداثة لم تتخلف عنها ، وكانت محاولات الخروج على بعض القواعد التقليدية للدراما ، وأحذت الفنون المسرحية الأخرى كالتمثيل والإخراج والتصميم وميكانيكية المنصة المسرحية تلاحق مثل هذا المتطور أو تسابق إلى ارتياد الطريق له وتطويع الأداء التمثيلي والصورة المسرحية للأساليب الحديثة .

وها نحن نرى إبراهيم عبد المجيد في أول مسرحية له يتجاوز الأشكال التقليدية للدراما ويعمد إلى الشكل المسرحي للأحداث فينتقل بين المشاهد بيسر وبين الأزمنة بما لا يخل بوحدة الموضوع أو السياق القصصي للموضوع.

والمؤلف يفعل ذلك دون تجريد لموضوعه من الصور الواقعية والصور الاجتماعية فموضوعه لا يفارق التاريخ وينبض بالواقع ويحيا في الزمان والمكان ، فهو يصور حالة شعبية - كما يراها - في مصر قبل الحرب ، وأثرها على الناس من كل الأعمار .

ولا أريد أن أحكم على أسلوب المؤلف في طرح الموضوع أو أن أسبق القارئ إلى الكشف عن القصة كما رواها المؤلف وأسلوبه في معالجتهما ، ولا أن أكشف عن سر الصنعة في هذه الدراما الحديثة ، وأرجو أن يكون اكتشافها من نصيب القارئ نفسه .

ولكنى يجب أن أقول فى الصدد للأقلام الجديدة فى دنيا الدراما أن تطور هذا الفن يجب أن يتم دائما باحتياط ضرورى وهذه الاحتياط يستند إلى أن الإبداع الفنى لا يخص المبدع وحده ، وإنما هو ارتباط وعلاقة مع المتلقى وهذه الرابطة أو العلاقة هى ضابط الإيقاع للتطور فى كل الفنون ، والفنان الحصيف ربما يقفز إلى المجهول فى وعيه أنه سيهبط على منصة أمامها جمهوره وإن إبداعه موجه لهذا الجمهور .

ومهما كانت غرابة إبداع الفنان فإن الجمهور يتوقع دائمًا أن يكون إبداعه تركيبًا من المألوف في صورة غير مألوفة ويرى الجمهور فيه ما قد يعرفه وكأنه لا يعرفه، ويكشف في المعروف والمألوف مالا يعرفه أو يألفه، فالإبداع اغتراب عن الجمهور واقتراب منه في الوقت ذاته إذا صح ما أقول.

والموازنة بين المـألوف وغــيـر المـألوف هو ما عــمد إليـه إبراهيم عبد المجيد وحاول تحقيقه في الموضوع والشكل الذي قدم به مسرحيته.

والواقع أن فن المسرح يبدأ بمبادرة المؤلف وبإبداع الدراما ، ولذلك فإن رعاية التأليف للمسرح وإحاطته بالنقد والتقييم والدراسة من أهم أسس تطوير المسرح وتأصيله وتركيبه للجمهور كما إنه من أسس تطوير المسرحية الأخرى وأساليب الأداء الفنى المتنوعة .

لذلك ألح دائما على تعميق الدراسات الدرامية الأكاديمية والتوسع فيها في الجامعات والمعاهد المتخصصة لأن ذلك يخدم علميا الإبداع الدرامي في المسرح والتليفزيون والسينما وهي تشغل أوسع مجال للفنون المتصلة بالجمهور والمؤثرة اجتماعيا وإنسائيا.

وتحياتي للكاتب القصصي والمسرحي إبراهيم عبد المجيد.

أنفريد فرج

شخصيات المسرحية

کرم کرم مخرج مسرحي يوسف يوسف مؤلف مسرحي أحد رواد المقهى العجوز أحمد شاب بالمقهى شاب بالمقهى حماده آمال جرسونة بالمقهى كريمة زوجة عبد الكريم زوج كريمة عبد الكريم مذيع رئيس اتحاد الكتاب نائب رئيس الكتاب شخصيات سياسية وأدبية

الفصل الأول

المشهد الأول

تفتح الستار عن شابين في العشرينات من العمر ، أحدهما هو كرم كرم المخرج ، يرتدى ملابس عملية ، جينز وكوتش وتى شيرت ، والثاني هو يوسف يوسف المؤلف المسرحي ، يرتدى بدلة قديمة نوعًا ما وكرافته رفيعة ، الأول يبدو قويًا نشيطًا ، الثاني يبدو هادئًا ، الأول يرفع النظارة على جبهته ، الثاني يضعها على عينيه ، يقفان في مقدمة المسرح ، خلفهما ظلام كامل ، كل منهما يعطى ظهره للآخر . يبدوان في تفكير عميق ، كرم يحمل لوحة خشبية عليها أوراق ويضع قلما رصاص في أسنانه ، يوسف لا يحمل شيئًا ، يبتعدان ، يلتقيان إلى بعضهما .

كست رم: 'بحماس' جو ، حبيني ، فهمت فكرتي .

يـــوســـف : " بهدوء" اسـمع يا كـرم ، الحرب لو قــامت مــا

حدش يقدر يكتب مسرحية ولا يخرجها .

ك ليه ، علشان مش ح يبقى فيه نور!

ي عليك نور .

كــــرم: يمشى على خشبة المسرح، غريبة قوى ، نقدر نعمل المسرحية إن شالله تحت الأرض ، في مترو الأنفاق "ينظر إليه" وبعدين إنت بتتكلم كده كأن الحرب قامت .

ي وسلم الله المنه إنت مش فاهم يا كرم ، أنا قصدى لو قامت الحرب يبقى كتابة المسرحية صعبة لئن المسألة تبقى دمار في دمار ، السينما أحسن ، علشان كده أنا عندى فكرة أحسن .

ك قلّى يا حضرة المؤلف .

ي وسيف : قبل الحرب ، أربعة وعشرين ساعة قبل الحرب .

كسسرم: "بعد صمت للحظات " يا ابن الجنية .

يسوسسف: "مبنعداً وماشيًا على المسرح" كده تقدر تطلع أحشاء الناس ، مصارينهم ، نـزواتهم ونزعاتهم وحبهم وكرههم ، نياتهم الحلوة والوحشة ، وحبهم للوطن وخيانتهم .

كسيرم: "بنفس الدهشة" يا ابن الجنية.

صوت طائرات تخترق حاجز الصوت ، يضطربان .

يـــوســف : إيه ده ؟

كــــرم: مش عارف.

ي وسف : دى طيارات بتخترق حاجز الصوت .

كــــرم: طيارات فعلاً لكن . . .

ي وسف الظاهر حد سمعنا قال لما يطربقها علينا ويبوظ فكرتنا .

ك نضاحكًا إنت أفكارك غريبة يا أخى .

ي مش غريبة ، أنا عارف البلد دى كويس ، ممكن كمان اللى سمعنا يقوم حرب بصحيح علشان يبوظ فكرتى .

رم : "مقتربًا منه كثيرًا" يعنى إيه الكلام ده يا يوسف.

ي يبنى تفكر فى حاجة تلاقى اللى يبوظها عليك قبل ما تطلع للنور ، إن ما كانش يسرقها منك ، ياما أفكار ليّا لقيتها عند ناس تانية وبأقلام تانية حتى وأنا بافكر فيها ، يعنى قبل ما أكتبها ، بالك يا كرم . .

رم: أيوه سيدى الموسوس.

ي وسف : أنا مرة كنت قاعد أتفرج على التليفزيون ، جاءت فكرة في دماغي ، لقيتها فيلم السهرة ، وأنا قاعد ماسبتش مكاني .

رم: يا سلام.

ي رمان كان الكتّاب الحرامية يسرقوا الأجانب دلوقت يقول لك يا عم لسه ح نقرأ أجنبي .

"صوت الطائرات مرة أخرى".

كــــرم: يوسف، دى باينها حرب بصحيح، معقول يعملوها بمجرد ما نفكر فيها.

يعملوا أبوها ، المهم يببوظوا المسرحية إن شالله على عملوا أبوها . عملون .

"يسقط ضوء على الركن الأيمن من خشبة المسرح فى العمق قليلاً، نظهر مقهى وتليفزيون وأربعة أشخاص، عجوز وشابان ورجل وفتاة تقف خلف النصبة هى الجرسونة. يشير يوسف إلى المقهى "اتفضل يا سيدى، أنا مش قلت لك ح أبدا بمقهى شعبى، حتى دى خدوها منى، ياعم، خلينى فى حالى.

"يمشى مغادراً المسرح من اليسار داخلاً في الظلام . يتقدم كرم بهدوء وحذر إلى المقهى ، رواد المقهى صامتون ، الجلسة كلها مجمدة مثل تماثيل في متحف الشمع ، ينظر كرم إلى أحد الشابين ، فيرفع على وجهه قناعًا في يده يحمل صورة الشاب الثانى ، ينظر إلى الثانى ، فيرفع قناعًا بصورة الأول .

كمسرم: "ناظراً إلى الجمهور" هما بيعملوا كده ليه ؟

أحسم د استغربش .

حـــمـاده: ما تستعجبش.

عبد الكريم: أصلهم ممثلين زينا يعنى .

العبور: ما تصدقوش ، إحنا ناس حقيقيين مش تمثيل ، بس زى ما أنت عارف ما الدنيا إلا مسرح كبير . "يضرب كرم كفا بكف ، تخرج الجرسونة من خلف النصبة ، تتقدم خلفه تضع يدها على كتفه".

الجرسونة : اقعد معانا يا أستاذ ، إنت اسمك إيه ؟

کسیرم: کرم کرم ، مخرج .

الجــرســونــة: يا لهوى ، كل دا كرم، دا الواحدة بأه لازم تاكلك. "يضحكون".

أحسمسد: إحنا بنرفع القناع تمويه ، بنقول لك يعنى إحنا نقدر نمثل كل الأدوار ، مش إنت بتفكر في الشخصيات وشايف إنها كثير .

حسماده: وبعدين إحنا توأم، من أم واحدة، خملصنا جامعة وعاطلين، ويظهر المذيع على شاشة التليفزيون.

العسب وز: اقعد معانا بأه ياسى كرم ، مادام المذيع دا ظهر يبقى الحرب على الأبواب ، تضىء خلفية المسرح العميقة ، عمق صحراوى وبانوراما عسكرية ، دبابات ومدافع وجنود خلف الأسلحة ، المسرح الآن مضاء كله ، المذيع يقرأ من ورقة أمامه فى الشاشة .

المدنيسع: أيها السادة ، جاءنا من القيادة العامة للقوات المسلحة البيان التالي : "يصمت".

أحسمد: فعلاً شكلها كده حرب.

عبقی ح نروح الجیش بکرہ یا حلو .

عبد الكريم: اسمعوا المذيع يا جماعة "للمذيع" اتفضل يا بني.

المدذيع: دأبت إسرائيل في الأيام الأخيرة على دخول الأراضي المصرية في سيناء متزرعة بمطاردة الفدائيين الفلسطينين وحيث أن الفدائيين لا يلجأون إلى الأراضي المصرية ولا يختبئون بها ، وحيث إننا أبلغنا إسرائيل مرارًا وتكرارًا بأن ما تفعله هو خرق واضح للقوانين واتفاقات السلام المبرمة بيننا أو حيث أن إسرائيل لم تضع تحفظاتنا الموضع اللائق بننا كدولة كبيرة في المنطقة فإننا للأسف مضطرون للإجراءات الآتية :

الجسرسسونة : كل دا علشان توصل للإجسراءات الآتية "المذيع" كمل يا اخويا ، دا اللي بناخدوا منكم .

المدنيسع : أولاً: قطع العلاقات الدبلوماسية مع إسرائيل .

ثانیًا: إیقاف أی حوار مع الولایات المتحدة حتی تصبح شریکًا عادلاً فی المفاوضات .

"تزغرد الجرسونة ، تخلع بلوزتها ، يظهر جرء من بدلة الرقص ، تبدأ في خلع الجوب"

ثالثًا: انتشار قواتنا في سيناء دون النظر إلى الأعداد التي تحددها الاتفاقيات السابقة.

"تنتهى من خلع الملابس وتقف ببدلة رقص كمانت ترتديها تحت الثياب".

رابعًا: وضع الدولة في حالة حرب .

الجرسونة: كده بأه المسألة ح تزهزه ، رقصة أخسيرة قبل الكاباريهات ما تقفل .

"ترقص وتنطلق موسيقى راقصة خفيفة ، يأتى صوت يوسف من الخلف".

بسوسسف: "دون أن يظهر" جبت لى رقاصة ياسى كرم فى النص، تسرقوه قبل ما اكتبه وكمان تبوظوه يا أولاد الكلب.

كــــرم: "بصوت عال" أنا ما جبتش حد، تعالى بنفسك واسألها.

العسب وز: 'في دهشة' بتكلم مين يا ابني ؟

كسسرم: المؤلف، يعنى ح أكلم مين.

العبور: مؤلف الدنيا ، الله ، إنت صدقت إنها مسرح وجبت لها مؤلف .

كـــرم: "بضيق" يوه ، إنت حــــزهقنى باين عــلك
"للجرسونة التى ترقص" إنـت يـا ســت مـين دخلك
المسرحية ؟

الجرسونة: هو لازم يعنى حد يدخلنى ، مش فيه خروج عن النص ، خلاص ، يبقى فيه دخول فى النص ، حلاص ، يبقى فيه دخول فى النص ، ح تسألنى مين إدانى الدور ح أقولك الظروف ، حرب و ح تقوم حاجة تخروف ، الواحدة لما تخاف تقلع هدومها ، وبعدين أحمد ربنا دا أنا اللى ح أقعدلك الجمهور، من غيرى الناس ح تقول الحرب وحشة ويسيبوا الأعداء يدخلوا البلد . .

أحسمسد: "واقفا" الحكاية باين عليها قلة أدب أكثر من اللازم .

حسماده: الرقص.

أحسمد: إسرائيل يا بجم .

عبد الكريم: 'واقف' بعون الله ح نطردهم شرطردة من الله.

كــــرم: "بدهشة" يا نهار أسود، هما دخلوا البلد؟

العبوز: قصده يا بني سنة سبعة وستين.

كـــــرم: إيه سنة سبعة وستين دى ، ما احنا حاربنا وانتصرنا بعدها .

- العسجسوز: هو يا ابنى وقف عند سنة سبعة وستين ، طردوه من المدرسة لأنه لسه بيكتب تاريخ اليوم على السبورة سنة سبعة وستين لخبط التلامذة .
- كــــرم: "ناظرا إلى الجمهور" الظاهر أنى وقعت وسط شوية مجانين "ينادى" طفى النور ، طفى النور ، خلينا نفكر ح نعمل إيه ، النور ينطفىء على المسرح ، صوت رصاص وطائرات ، صوت يوسف ضاحكًا .
- يـــوســـف : كـمان قــلت طفى النور ، إنت يا حلوح تقــوم الحوب الحرب، "صمت، أغنية عدّى النهار للحظات".

المشهد الثاني

تضيىء الأنوار على الخلفية والناحية اليسرى من المسرح ، بها جانب من غرفة نوم ، سرير واسع عليه رجل وامرأة ، الرجل هو نفسه عبد الكريم الذى فى المقهى من قبل ، مكان المقهى مظلم ، الرجل يرتدى فانلة سواريه وبنطلون بيجامة ، المرأة روب فوق قميص للنوم ، يضحكان بقوة .

عبد الكريم: "مبتهجاً" أنا مش مصدق نفسى.

كـــريمة: "تلكزه بيدها" يعنى كان لازم تقوم حرب عــلشان

تتشطر . . "يضحكان ، ينزل عبد الكريم من فوق السرير ،

يرفع يديه ثنى ومد، يختبر عضلاته "أيوه يا سيدى مين

قدك النهارده .

عبد الكريم: اللي حصل دا عجيب وغريب.

كـــريمة: "تعتدل جالسة فوق السرير" إنت يا حبيبي لازم تمسك

الأمم المتحدة.

عبيد الكريم: "بدهشة امسكها أزاى يعنى ؟

كـــريمة: بدل كوفى عنان .

عبد الكريم: بأه ده كلام تقوليه بعد اللى عملناه ، ح تفكرينا بالسياسة وتسدى نفسنا ، إنزلى شوفى لنا لقمة حلوة ناكلها قبل ما ننام ، "مندهشا جداً" حد يجيب سيرة الأمم المتحدة بعد . . "يسكت لحظة" بعد نص الليل .

كسسريمة : ما هو يسا حبيسبى هو دا الحل علشان تعمل تانى وتالت ورابع وعلى طول .

عبد الكريم: أعمل؟ أعمل إيه، وازاى، الله يخرب بيتك فهميني.

كـــــريعــة: لما تمسك الأمم المتــحدة تقدر كل مــا تحب يعنى . . . يعنى . . . تنام ، تقوم توقع دولتين في بعض ، يضحك بقوة".

عبد الكريم: 'يذهب إليها يقبلها في خدها' على النعمة إنت ولا أجدع فيلسوف .

يصعد فوق السرير. يجلس جوارها تحت الغطاء.

كـــريمة: شوف بأه عندك فرص أد إيه ؟ بعدد الدول .

عسيد الكريم: 'بعد على أصابعه' ثلثميت دولة تقسريبًا أعضاء في الأمم المتحدة يعنى مية وخمسين حرب. كـــريمة: طول عمرك ضعيف في الحساب، ثلثماية يعنى ثلثماية لأنك بعد المية وخمسين حرب الأولى تقدر تبدل الدول، الأولى مع الثالثة، والثانية مع الرابعة... وهكذا دواليك! "تضحك".

عبد الكريم: "في دهشة" يا بنت الأيه.

كريمة: بس خد بالك دا كل ممكن يخلص بسرعة .

عبد الكريم: إزاى يعنى .

على الدول.

عبد الكريم: "ضاحكًا"ودى تيجى برضه يا جميل.

كريمة: وترجع تنام نوم العازب، يرجع يحل السلام

والوئام، الرجالة تصدى والنسوان تتجنن.

"يضحكان، أصوات تعبر مجال الصوت" ..

يا لهوى . .

"تدخل في حضنه"

الحق يا عبد الكريم قبل الضرب ما يخلص .

"يحضنها، إظلام عليها، السرير يسحب إلى الخلف وهما

فوقه نسمع ضحكاتهما".

كسريمة: إيه ده ؟ السرير بيمشى ؟

عبد الكريم: دا المشهد اللي خلص يا كريمة ، المخرج الله يخرب بيته باينه ح يرجع القهوة ، طيب والله ما أنا رايح القهوة .

"يختفى السرير ، يزداد الظلام بساراً فى الوقت الذى يزداد فيه النور يمينًا ، تظهر المقهى ، مقاعد خالية ، يدخل أحمد وحمادة والعبجوز والجرسونة من الكواليس ، فى الخلف لا تزال البانوراما العسكرية ، يجلس الجميع فى أماكنهم فى صمت ، الجرسونة بملابسها الأولى خلف النصبة ، يشتغل التليفزيون ، يظهر المذيع ، يتنحنح " ..

المدذيسع : أيها السادة إليكم هذا الاجتماع العاجل لمجلس الشعب والشورى .

كسسسرم: "من خلف الجمهور" ستوب ، "يتجمد المذيع، كرم يتجه إلى خشبة المسرح مسرعًا، يصعد الخشبة، يقف وسطها" التليفزيون صغير قوى ، لازم شاشة ، هه ، وعامل لى مولف مسرح ، كاتب لى تليفزيون عشرين بوصة" ينظر إلى أعلى يصرخ" شاشة .

"تنزل الشاشة من أعلى ، تكاد تصطدم برأسه ، يتقدم قليلاً فى فزع ، يدور متجها إلى الجالسين بالمقهى خلف الشاشة على اليمين ، يجلس معهم ، على الشاشة يظهر اجتماع حاشد لأعضاء مجلس الشعب والشورى ، الجميع يهتفون "تحيا مصر".

ك رم : مش مهم إنتم ، المشهد دلوقت للمجلسين .

حــمـاده: طيب حتى نشوف مين اللي بيهتف.

عضو ملتحى: "على الشاشة" تحيا المملكة العربية السعودية.

عضو عادى: "ينظر إليه شذرًا" تحيا مصر.

العضو الملتحى: "محرجا، وبصوت خفيض" تحيا مصر.

العضو العادى: اسمح لى يا سيادة الرئيس "لا يظهر رئيس ولا المنصة"

أنا عايز استغل هذه الفرصة "يزداد حماسه" ونبقى كالبنيان المرصوص يشد بعضه بعضا وأطالب بإلغاء كل أحزاب المعارضة وضمها إلى الحزب الوطنى .

كيبرم: "واقفًا" أرفع الشاشة.

"ترتفع الشاشة ، يذهب كرم إلى منتصف المسرح ، يصفق " يا اللا كملوا المشهد" ينهض أحمد وحمادة ، حمادة على وجهه قناع مكتوب عليه رئيس المجلس ، يقفان متقابلان .

أحسم الرئيس ، يا سيادة الرئيس ، يا سيادة الرئيس .

حــماده : نعم يا سيادة النائب .

أحسد : أنا مش قصدى سيادتك ، أنا قصدى رئيس الجمهورية .

حــــاده: لسه ما وصلش، لازم فيه زحام كثير من الشعب.

أحسمسد: طيب والله تسجل إعجابي الشديد بإدارة سيادته للحرب.

حسمساده: حاضريا سيدى! "ناظراً للجمهور" فيه حد تانى معجب بإدارة الحرب، كلهم، نرجع القهوة مطمئنين، "يرفع القناع ويعودان إلى مكانيهما".

حسماده: احنا الشعب يا أحمد.

يظهر المؤلف يوسف مندفعًا من ظلام الجهة اليسرى ناحية الجرسونة .

يسوسك : "زاعقًا" اتفضلى قدامى .

الجسرسونة : إيه ده ، مين ده ؟ هم بيطلعوا أمتى ؟!

يسوسيف : يعنى مش عارفانى، أنا المـؤلف يا روحـى.

أنا اللي ما أمرتش بدخـولك المسـرحية ، كنت ِ ح تبوظى لي النص بالرقص بتاعك . .

الجسرسسونة: "ضاحكة بقهقهة" أول مرة أشوف مؤلف أهبل. يضحك الجميع على المسرح.

يب وسف : "غير مصدق" بتقولي إيه ؟

الجرسونة: باقولى لك أول مرة أشوف مؤلف ، مؤلف ، طول عمرى شغلى مع المخرج والألذ الألذ مع المنتج ، المنتج ، أنت منتج .

كـــــرم: "مقتربًا منهما" سيبها يا يوسف، دى ح تلاقى لها دور كويس، شكلها كده ممثلة.

ي وسف النص ممكن اسمح بزيادة شخصيات النص ، أنا راسمها على المازورة .

كــــرم: طيب سيبها علشان خاطرى .

يسوس الله المسكها عليها يسكها من ذراعها المسرحية لازم تكون نضيفة من الرقص ، أنا ما اضمنش تقلع تانى .

العب جبوز: "واقفًا" إذا قتلوا الراقصة فكلنا راقصة.

يمشى يوسف بالجرسونة ، يختفيان من المسرح .

آلعب ور: 'مقتربًا منه' إيه يا أستاذ مالك ، محتار ليه ، احنا محتار ليه ، احنا محتاد محكن نكمل النص معاك ، ينظر في ساعت العناد المحتاج الدنيا قربت على نص الليل لكن احنا فاضيين ومعاك للصبح .

حـــمــاده: على النعمة المؤلف دا نكدى "يرفع قناعا على وجهه يحمل وجه يوسف" اعتبرني أنا بداله.

كــــرم: إيه حكاية الأقنعة اللي معاكم دى ؟

العب وز: أصلهم زى ما قلت لك توأم من أم واحدة .

كـــــرم: وهو فيه توأم من أمين ؟

العسجوز: لأطبعًا بس ممكن من أبين.

يظهر جنود في الخلفية يحملون رشاشات ويزحفون على بطونهم ، يطلقون الرشاشات ، تنزل لافتة عليها جملة "جنوب لبنان"؛ معركة خفيفة بين الجنود والإسرائيلين بالأيدى ، خلال المعركة يتحاور كرم مع الأشخاص بدون صوت ، يموت الجنود الإسرائيليون ، يصاحب ذلك موسيقى عسكرية خافته ، يرفع أحد الجنود اللبنانيون علم مكتوب عليه من أراد لمصر سوءا قصمه الله" ، يسمع صوت مرور طائرات ، يخرج الجنود اللبنانيون حاملين العلم ، يظهر يوسف قادماً من اليسار ، تدخل الجرسونة خلفه عمزقة الملابس .

ي وسيف : "في يأس" حتى خطة الهجوم اللبناني على حدود إسرائيل نفذوها قبل ما اكتبها .

كــــرم: إنت جيت يا يوسف 'يرى الجرسونة' الله ومعاك الجرسونة.

الجسرسونة : خلاص يا أستاذ رضى على ، دخلنى في النص.

يــوسـف : أنا كنت عايز العلم دا يرتفع آخر المسرحية .

العسجسور: الأحسن أنه ارتفع في الأول علشان تبقى النهاية مضمونة ، الانتصار بإذن الله .

ي وسلم الله الله الله الله الله الله والاح اطلعك من الدور إنت كمان "يرفع حمادة قناع يوسف على وجهه لا يزال ، يشير يوسف إليه" وانت حضرتك شايل صورتى على وشك ليه .

حسمساده: "يقف أنا المؤلف الأصلى ، حضرتك بصراحة تقليد .

أحسمسد: "وهو جالس" أيوه ، حماده هو اللي عمل النص كله ، عمل الحرب كمان ، حتى شوف ح يطلع في التليفزيون بدال المذيع .

"يشير إلى التليفزيون الذي يعمل ، يظهر حماده كمذيع".

حسماده: هذا وقد بدأ المؤلف الشاب حماده أحمد حماده في تأليف نص يواكب الأحسداث بعنوان أربع وعشرين ساعة قبل الحرب.

يــوسـف : "في حيرة" معقول ده .

كـــرم: دا احنا طلعنا ولا حاجة.

حسمساده: "من التليفزيون" سمعت بنفسك ، حد جاب سيرتك .

ي وسيف : "بانف عال طيب ، طيب قسل لى إنت المسهد الجاى .

العسجسوز: "ضاحكًا" إذا كان أنا يا ابنى عارف إنه فى اتحاد الكتاب.

ببسوسسف: "كرم" دول عارفين كل حاجة.

كسسرم: انت بتسرق عيني عينك .

يسوسسف : طيب ، المشهد مش فى اتحاد الكتاب ، اتفضلوا شوفوا ، "فى الخلفية تظهر فتاة فى زى فدائى فلسطينى تجرى وتطعن مواطن إسرائيلى وتختفى من الناحية الأخرى ، تظهر قتاة ثانية من الناحية اليمنى وتجرى طاعنة مواطن إسرائيلى ، تعود أكثر من مرة من كل ناحية وفى كل مرة تطعن المواطن الإسرائيلى الذى كلما مات عاد ليموت فى الطعنة التالية ، كما أن الفتاة لا تتغير ، يختفى حمادة ، يظهر المذيع المعتاد .

العدني في المحتورة اليه المحتورة اليه العندة الهوم مواطنين إسرائيلين، لقد بدأت حرب السكاكين. "يظهر بالتليفزيون وجه الشيخ حسن نصر الله، أو مروان البرغوثي أو أي شخص قريب الشبه منهما".

صاحب الوجه: "من التليفزيون" والله إنها لأوهن من بيت العنكبوت

"لا تستهينوا بحرب السكاكين . " يقف حمادة وأحمد والجرسونة ، يمد العجوز يده يمسك بثلاث سكاكين ظهرت من أمام الكواليس، يناولها لهم ، يشير إلى المخرج أن يبتعد وكذلك إلى المؤلف ، يضع كل من الثلاثة على وجه قناع الجهاد الأسود ، لا يظهر إلا عبنيه ، يسلط المخرج ضوء من بطارية على وجه أحدهم ، يسلط العجوز ضوءاً على وجه الثانى ، يسلط المؤلف الضوء على وجه الراقيصة ، يتقدمون كل إلى ناحية ، يطعنون أشخاصاً غير مرتيين في الهواء، ترتفع موسيقى ، ينزل الإظلام شيئاً فشيئاً .

العدو بشكوى إلى مـجلس الأمن يطلب فيـها عودة الجنود المصـريين إلى مواقعـها غـرب القنـال ، "يسمـع صـوت الطائرات"

ولا تزال طائراتنا تجوب السماوات تحسباً لأى اعتداء، كذلك فإن الشباب الفلسطينى قد بدأ حربا جديدة هى حرب السكاكين مما أربك القيادة الإسرائيلية ، ويبدو أن الأمور تتجه إلى الحرب الفعلية بعد ساعات ، ونحن مستعدون "يختفى المذيع ، يظلم التليفزيون يرتفع صوت نجاح سلام "دع سمائى" وكذلك المجمسوعة فى نشيد الله أكبر ".

المشهد الثالث

ينجلى الظلام عن قاعة اجتماعات في اتحاد الكتّاب، في الركن الأيمن بدلاً من المقهى ، مقاعد ومنضدة خلفها رئيس الاتحاد ونائب الرئيس وشخص ثالث أمامه لافتة مكتوب عليها "مسهل أمور الانضمام إلى الاتحاد".

الجالسون حوالى عشرة ينتهون عند الكواليس مما يوحى بامتداد القاعة ، في الصف الأول أحمد وحمادة والعجوز والجرسونة ، الناحية اليسرى مظلمة ، الخلفية كما هي بانوراما عسكرية ، المسافة بين المقاعد ومنضدة القيادة بعيدة بشكل واضح .

أحسم الاجتماع . الحماده صاحبك المؤلف ماجاش الاجتماع .

حسبه اده: يوسف أصلهم رفضوا عضوية.

أحسمد: معقولة دى.

حسماده: ليه لأ اللي كتب التقرير قال أن أنه قدم لهم

مسرحية فاضية .

أحسم ازاى .

أحـــمـــد : "يحبس ضحكاته" ولا كلمة .

حــمـاده: ولا كلمة.

أحب مسد : أنا مش مصدق الحكاية دى .

حسمساده: وبعدين حاول يقدم مرة ثانية ، قدم لهم مسرحيتين ، اللي كتب التقرير عارف كتب إيه .

أحسمسد: فاضية برضه.

حمداده: يا ريت ، قال إذا كان مافيش في مصر في الأساس مسرح المؤلف بيألف ليه ؟ وطالب بالتحقيق معاه ، اعتبر التأليف عمل من أعمال الإهانة للاتحاد .

أحسم أعمال الحمد لله أنه ما اعتبروش من أعمال الحرب .

الجرسونة : أنتم بتتكلموا في إيه ، "نشير إلى القيادات" وهما مالهم ساكتين كده .

رئيس الاتحاد: زاعقًا "سكوت، ينشغل في الحديث الهامس مع نائبه".

العسم الله الرئيس والنائب لكن الأخ الشالث دا قاعد ليه .

أحسمسد : مش شايف اليافطة اللي قدامه .

العبوز: شايفها، لكن دى مالها ومال الحرب.

أحسمسد: ما هو ده اللي بيدخل السواقين والحشاشين وكل الله الله يقابلهم في الغرز على البطريق الزراعي وبعدين يكتب قصص يشتم إسرائيل.

العسجسوز: مع أن هي اللي بتورد الحشيش.

أحسم الخفية .

الجسرسونة : طيب وهو يدخل بتوع الغرز ليه .

أحسم اللي بيدفعوا له .

الجرسونة : بس اللي أعرفه أنه لازم الواحد يقدم إنتاج .

كاتب من الجالسين: يا جماعة وطوا صوتكم شوية علشان نسمع رئيس الاتحاد .

العبور: رئيس الاتحاد! يا عم دا باينه اجتماع صامت، دا الرئيس اللي فات كان أرحم.

حسمساده: كان على الأقل كل ما الفلسطينيين يعملوا عملية فدائية يبعت برقية شكر لسيادة الرئيس.

الجسرسونة: عرفات؟

العسبوز: لا ، مبارك .

الجرسونة: "ضاحكة" يبقى هو سبب الحرب ، أيوه ، إسرائيل أكيد من كتر البرقيات فكرت أن قيادة الانتفاضة في مصر .

العسب الله عكن ، مادام البرقيات للقيادة المصرية .

حسماده: يعني جاب لنا المشاكل لحد عندنا.

كاتب من الجالسين: "للجرسونة" أنا على فكرة من إسكندرية .

الجسرسسونة : "باشمئزاز" طيب وأنا مالى .

كاتب آخر: على فكرة سواء البرقيات أو غيسرها شارون دا سفاح وشارب دم تاريخي وكان ح يعمل حرب، حرب، حرب، حرب .

كاتب إسكندرية: بعون الله ح نطلّع ديك أبوهم .

يضحكون

الجرسونة: "في ارتباك" إيه ده ، إيه الكلام ده ، أدباء أقاليم بصحيح ، "تنظر ناحية الجمهور ، في دهشة " يا لهوى! إيه اللي جاى ده "من خلف الجمهور ، وفي الطرقة الجانية يتقدم يوسف بقميص قديم بلا منطلون وحذاء كاوتش قديم ونظارة وكرافتة ، شعره منكوش جدا يشي بظهره كرم يمشى خلفه حاملاً أربع لافتات خشبية عاليه، يراه رئيس الاتجاد .

رئيس الاتحاد: هي العساكر رجعت من سيناء ولا إيه .

السنسائسب: ربنا يستر، شيء مش معقول.

الشخص الثالث: دا الحرب يا جـماعة لسـه ما بدأتش ، دا تلاقـيه واحد محشش .

أحد الكتاب : دا جاى ماشى بظهرة يا سيادة الرئيس .

رئيس الاتحاد: يبقى مش جاى هنا.

السنسائس : أيوه ، ممكن يكون خارج من هنا معلهش .

الشخص الثالث: على فكسرة احنا لو اتنقله الله عناك - يشهه إلى الجمهور - حيبقى وشه لنا .

السنسائس؛ "الرئيس" أول ما يوصل يا سيادة الرئيس إحنا كمان نديله ضهرنا .

رئيس الاتحاد: دا مؤكد ، وإن كنت اخاف أنا من حكاية الضهر دى ، إنت ما تضمنش الأدباء .

"يوسف يمشى على مهل ، كرم يوجهه وهو يحمل اللافتات".

كــــرم: أيوه ، شـمال سنة ، يمـين سنة ، برافو قـوى ، على طول ، تمـام ، أصـــوات عــربات وموتوسيكلات وتاكسيات .

يـــوســـف : إنت واخدنى فى حتت رحــمة قوى ، هو الاتحاد التحاد انتقل من الزمالك .

كستسسرم: زى ما هو ، الزمالك اللى انتقلت ، اطلع السلم اطلع السلم اطلع .

"یصعد یوسف درجات السلم علی المسرح ، یقف فی ناحیة ، یزرع کرم ثلاث لافتات فی الأرض ، تبقى معه لافته ، على الأولى نقرأ "كاتب" بنتمى بقلمه لوزارة الثقافة" على الثانية "كاتب ينتمى بقلمه إلى الخليج" على الثالثة "كاتب بنتمى بقلمه للسوق الأوروبية" يشير إلى الناحية اليسرى ، يخرج شابان وفتاة في غاية الأناقة ، يقف شاب خلف اللافتة الأولى ، شاب خلف الثانية والفتاة خلف الثالثة "السوق الأوروبية" يتجه بالرابعة إلى يوسف يعطيها له . يوجهها للجمهور ، مكتوب عليها يعطيها له . يوجهها للجمهور ، مكتوب عليها "كاتب مستقل ينتمى إلى قلمه" .

السنسائسب : دول جمايين يهرجموا يا سميادة الرئيس ، احنا دلوقت في حالة حرب .

السرئيس : "لكرم" تعرف تقول لى إيه ده بالضبط ؟

كــــرم: كما ترى يا رئيس الاتحاد، هذا كاتب لا ينتمى إلى أى من هذه الجهات الثلاث التى . .

الشخص الثالث: اتكلم زينا لو سمحت بلاش العربى الفصيح ده أنت في اتحاد كتاب مش محكمة .

كسسسرم: ماشى يا . . "يقترب من اللافتة" يا مسهل إنت ، "لرئيس الاتحاد" قدامك يا سيادة الريس حالة كاتب مستقل .

رئيس الاتحاد: "فى نرفسزة" إيه ده يعنى ، إيه ده ، مين هى الجهات الشلاثة دى ، ثم إن احنا جايين هنا علشان نشوف ح نتنيل نعمل إيه فى الحرب اللى حتقع بكرة دى .

أحسمسد: "للجرسونة" شفتى قعد ساكت أد إيه وبعدين للمنطق اتنرفز .

نائب الرئيس: ثم احنا مش جايين نناقش حالة الكتاب هنا .

كــــرم: "بهدوء شديد" بدون مناقشة حالة الكتّاب مش ح نقدر نناقش أي عمل إيجابي .

الشخص الثالث: أه، افتكرتك، إنت يا جدع إنت مش مخرج.

ك____رم: أيوه.

الشخص الثالث: يبقى إيه إللى جابك الاتحاد، روح هناك نقابة المهن السينمائية وإلا الموسيقية حتى .

كــــرم: أنا جاى مع صديقى المؤلف الذي هو مستقل.

رئیس الاتحاد: "بهدوء" طیب یا سیدی ، ح نسمعك ، بس فی دقیم الاتحاد: "بهدوء" طیب یا سیدی ، ح نسمعك ، بس فی دقیم الدوسف" إیه بأه مشكلتك یا عمنا .

ي وسف الباحب ولا لى دولار ، ولا باكتب علشان أرضى الغرب ولا لى علاقة بوزارة الثقافة ، أنا مستقل ومبسوط - علاقة بوزارة الثقافة ، أنا مستقل ومبسوط .

كسسرم: يا افندم دا كاتب مسرحية جميلة قوى عن اثنين طرش بيحبوا بعض ، راح بيها لرئيس المجلس الأعلى للشقافة مارضاش يطبعها في المجلس الأعلى للثقافة ، راح بيها لرئيس هيئة الكتاب ماعرفش أصلاً يقابله ، السكرتيرة بتاعته قالت له مش موجود وكان ساعتها داخل قدامه ، قال لها داخل من النا شايفه داخل ، قالت له أيوه هو دخل وخرج من الباب التاني .

الشخص الثالث: جاى يتمشى يعنى ، حاجة غريبة قوى .

كــــرم: يروح فين علشان يطبعها ، بلاش يمثلها .

الــــــائــــب: وديه يا أخى للدكــتــورة مـــديرة المســرح القــومى والهناجر .

كـــــرم: "بعد صمت للحظات يشير إلى ساقى يوسف العاريتين" أوديه كده!

الجـرسـونـة: أنا عندى حل يا سيـادة الرئيس ، أديله البنطلون بتاعى ، "تقف وتحاول خلع البنطلون" ..

رئيس الاتصاد: لو سمحتى ، اقفى عندك ، احنا فى اجتماع مهم جدًا، اجتماع لا يقل عن اجتماع القيادة العسكرية، أى شوشرة أو تهزىء أنا ح اضرب بالنار ، "سكوت للحظات".

العسجسوز: "واقفًا" تسمحوا لي اتكلم.

رئيس الاتحاد: اتفضل يا حاج.

العبور: باستغراب ، حاج! أمرنا لله ، بالنسبة لحالة هذا الكاتب مش عايزينها تعطلنا عن المهام الصعبة اللي ورانا ، وأنا اقترح على سيادتك تبعته الثقافة الجماهيرية .

الشخص الثالث: والله فكرة ذكية، وهناك تقريبًا كلهم ملط زيه كده.

العبوز: والمبنى اللي هم فيه عامل زيه ملحق سجن طره.

حـــمـاده: ماشى يعنى مع حالته.

كساتب إسكندرية: ممكن الأقاليم تتكلم بأه ، مش معقول كده ،

وبعدين أنا ما سمحش بإهانة الزميل الأديب .

رئيس الاتحاد: إيه ده ؟ مين اللي أهان مين ؟ اللي هو فيه ده من الني اللي المن اللي المن اللي المن اللي المن الختياره يا أستاذ يا بتاع الأقاليم إنت .

يـــوسـف : أنا عندى اقتراح لإنهاء المناقشة يا فندم .

رئيس الاتحاد: اتفضل يا سيدى .

يب وسلف : أرجو إرسال برقيتين بسرعة واحدة لرئيس الجيس الجمهورية والتانية لقيادة الجيش .

رئيس الاتحاد: "بفزع" علشان حالتك.

يسوسف : لا يا سيادة الرئيس ، نشد على أيديهم .

رئيس الاتحاد: كده يبقى الاجتماع صحيح، اتفضل اقعد يا أخ.

يتقدم يوسف يجلس جوار الجرسونة التي تبتعد قليلاً ، يضع ساقًا على ساق .

الجسرسسونة : ما صدق قلت له برقية .

يــوسـف : كنت عايز أقول يحارب خفت يعملها .

الجرسونة : بس مش غريبة أنك تطلب حكاية البرقيات دى .

الجرسونة : يا ساتريا رب ، دا كافريا جدع .

ي وسيف : "بيأس خفيف" قولى أصعب على الكافر .

أحسمسد: "واقفًا" أنا اقترح نبعت البرقيات لرئيس دولة تانية يا فندم .

رئيس الاتحاد: إيه ده! إيه العبث ده.

أحـــــد : أيوه صدقنى نوجـه نظر العدو لجهة تانيـة ، نبعد عننا شبح الحرب .

"يضحكون ويهمهمون، رئيس الأتحساد يدق بيده على المنضده".

رئيس الاتحاد: في "عصبية" مش معقول كده ، سكوت لحظات، أنا باكتب البرقية .

الشخص الثالث: موافقين تفوضوا رئيس الاتحاد يكتبها ونفض الاجتماع.

الجسميع: موافقين.

الشخص الثالث: خلاص ، ضلم الخشبة يا سيادة المخرج .

إظلام تدريجي على الناحية اليسنى ، إضاءة تدريجية على الناحية اليسرى ، يتقدم السرير في سرعة عليه كريمة وعبد الكريم بنفس الملابس السابقة ، يضحكان .

كريمة: يقطعك راجل، إنت إيه ما بتشبعش.

عبد الكريم: "في سعادة" جاءك الغيث يا عبد الكريم إذا الغيث

همی .

كسسريمة: "بدلال" يا كريمة.

يضحكان .

عبد الكريم: كريمة.

كــــريمــة : يا روح روح كريمة .

عبد الكريم: هي الناس كلها زينا الليلة.

كريمة : "بعد تفكير" ماظنش يا عبده ، الناس أكيد في

خوف وقلق ، هو فيه حد بيحب الحرب .

عبد الكريم: "وهو ينزل من فوق السرير بالبيجاما وحافيًا" أمال احنا ليه

مختلفين .

عسبد الكريم: "وهو يمشى بعيد" لا ، أنا خايف يكون الخوف هو السبب .

كـــريمة: بس إنت طول عمرك شـجاع يا عبده ، "تنزل هى الأخرى بالروب الذى تحته قميص النوم ، تقترب منه جرى إيه يا عبده إنت حاتقلبها غـم وإلا إيه ، خوف شجاعة المهم إن احنا مبسوطين وخلاص .

عبد الكريم: أنا خايف قوى على البلد يا كريمة.

عبد الكريم: ومين مايحبش مصريا كريمة.

كسريمة: قد عليا يا حبيبى.

عبد الكريم: مين عليا دى .

عبد الكريم: "مبنعدًا عنها" خلينا شوية جد يا كريمة ، "بنظر إلى الخلفية ، صوت مدافع ودبابات وطيارات في أذنه" احنا كنا بنحب مصر قوى يا كريمة ، أنا ، أنا كنت صياد دبابات في حرب أكتوبر ، ما أنت عارفة ، اصطدت عشرين دبابة ، تعرفي يا كريمة لما حصلت الثغرة أنا شفت شارون وهو بالليل

واقف فی موقع من المواقع ، كان معایا زمیل قناص . قلت له اقنصه ، كان صدر أمر إطلاق النار وكنا ملتزمین بیه ، أنا شفت زمیلی ده وهو بیبکی دم علشان الظابط بتاعه منعه من إطلاق النار تنفیذاً للتعلیمات "یدور حول نفسه وهو بتحدث" یقول لی اشمعنی احنا نلتزم بوقف إطلاق النار اشمعنی ، وبعدین الراجل دا بالذات ح یبقی خطر جداً علینا ، بیکره العرب ، بیکره البشر .

كريمة: ساعات بتحصل حاجات علشان تحصل حاجات تانية.

عبد الكريم: "بدهشة" يعنى إيه يا كريمة ؟

كسسريمة : أكيد فيه حكمة من اللي حصل .

عبد الكريم: قبولى غباء ، أيبوه ، كنا أغبياء ، لو سابوا العسكرى ده بس ولو دقيقة واحدة ما يبلتزمش باتفاق إطلاق النار كانت فرقت كثير ، دلوقت أنا مش عارف العسكرى ده عايش ولا يمت ، وإيه شعوره دلوقت وهو شايف شارون الراجل إللى كانت روحه في أيده عمال يدبح في العرب مسلمين ومسيحيين .

كــــريمــة: اللي مجنني ليه إسرائيل بتموت في الحرب كده .

عبد الكريم: رغم إن احنا مدينا ادينا بالسلام، أم كلثوم نفسها غنت للسلام "ينطلق صوت أم كلثوم للحظة، بالسلام احنا بدينا بالسلام".

كريمة : يمكن إسرائيل عارفه أن الأغنية قديمة من أيام العدوان الثلاثي .

عبد الكريم: وتفرق إيه ؟

كسريمة: والا يمكن النسوان ، آه! هم النسوان اللي وراء الحريمة الحرب ، ما هي إذا كانت الحرب بتعمل في الرجالة زيك كده يبقى الحل في أيدين النسوان .

عبد الكريم: أبدًا يا كريمة ، النسوان في كل حرب هم أول ناس بيدفع ثمن الحرب ، بيترملوا ويتيتموا ويتفقروا وفيهم اللي تسقط في الدعارة علشان تعيش ، حتى رغم إن في إسرائيل محندات كانت بتتسلى بقتل العساكر المصريين سنة سبعة وستين ، في النهاية كل واحدة لها جوز أو أخ أو حبيب أو ابن ممكن جدًا في لحظة يموت .

كسريمة : قصدك تقول السلام حلو .

عبد الكريم: ومين يكره السلام.

كسسريمة: تتكلم بجديا عبده.

عبد الكريم: "مقتربًا منها جدًا" بجد بجد يا كريمة.

كـــريمــة : "مبتعده عنه" إيه يا رب اللي قلب الكلام دراما كده الراجل قلبها غم ، "لعبد الكريم" طيب ما إنت في السلام كنت تعبان ، إنت لسه صغير ماكملتش ستين .

عبد الكريم: الحياة اللي احنا عايشنها هي سبب المشكلة، الحكومة صحيح ادتنى شقة ونجمة سينا ومرتب ثابت لكن الغلا بياكل كل حاجة ، والشقة بقت مش مكفيانا ، والولدين والبنت تكاليف تعليمهم قاصمة ضهري والمحل اللي فتحته يا دوب بيجيب ايجاره وشغلى في السيكوريتي في الفندق بيخليني أشوف دنيا تانية وأرجع كل يوم زعلان، ناس غير الناس معاها فلوس لا أول لها ولا آخر لابسين هدوم أحلـي من أي هدوم حـــاطين بارفانات عجيبة ، الواحدة من دول حاطة بارفان يشد أجدع راجل ، يشد قطر وراهها ، بيضحكوا من قلبهم تشوفيهم تقولي مش من بلدنا ، أه والله ، أول ما أرجع وأدخل الشارع أبقى عايز أغنى "يغنى" ناس من بلدنا هناك أهم ، وأقول يا ربى نفسى أضحك من قلبى ، ما بالأقيش هنا حد بيضحك من قلبه ، وما باعرفش هناك أضحك زيهم ، يبقى عايزانى انفع في إيه .

كــــريمة: "نقــترب منــه جــدًا، نمسك بيديه" يا حبيـبى يا عبد الكريم، دانت مخك مش مـريحك خالص، بكره عيالك يتجوزوا ويخلفــوا وتشوف أحفادك وتقعد تلعب معاهم وتضحك من قلبك يا راجل.

عبد الكريم: يعنى أضحك آخر العمر.

كــــريعة: وماله، المهم ما تفقدش الأمل، الواحد يضحك إن شاء الله وهو يموت، أدى ربنا سبحانه وتعالى قوم لك حرب علشان تقوم انت كمان بالسلامة.

عبد الكريم: "يرفع يديه للسماء" الله يخرب بيتك يا كريمة يا مراتى .

كــــريمـة: "ضاحكة" أديك انبسط أهه ، تعال تعال القهوة مع أصحابك .

عبد الكريم: قهوة، قهوة إيه?

كسريمة : مش القهوة دى فى المسرحية برضة ، خلاص نقعد فيها .

كـــريمة: أيوه لكن المخرج فاصل بين القهوة وبيننا .

كــــريمة: براحتك لكن احنا لا ، إن شاء الله اللي يفرق بينا يشوف إللي شافه الاستعمار في الهند "تشده فيقاوم".

عبد الكريم: أيوه، بس مافيش في النص إنك تروحي القهوة.

كـــريمة: اسمع أنا على خشبة المسرح ما حدش يصدنى ، وبعدين المخرج بتاعكم دا حمار ، مش عارف يربط بين المكانين في الأحداث .

صوت كرم: اقف عندك إنت وهي.

عبد الكريم: "مندهش" ليه إن شاء الله .

كر الخارجًا من الكواليس أوعى حد يعمل حاجة ماقلتش عليها ، وبعدين الطيارات ح تعدى دلوقت وأى اشتراك ليكم فى النص مش حيتم على ما يرام ، أنا عارف مراتك .

عبد الكريم: "بدهشة شديدة" عارف مراتى؟ "يمسك بخناقه"

كــــرم: "يبعديديه" يا أخى معرفة نظرية.

عبد الكريم: وإنت ايش عرفك بأه إن الطيارات ح تعدى دلوقت .

كــــرم: "ينادى" - تعال يا يوسف.

"يأتى يوسف من الكواليس، يرتدى الآن مسلابسه الأولى، البدلة والكرافئة، يضىء الجنزء الأين، تظهر المقهى بها العجوز وأحمد وحماده والجرسونة".

العبول: "ضاحكًا مشيرًا إلى عبد الكريم وكريمة" أول مرة أشوف حد ييجي القهوة بهدوم النوم . كــــرم: "لعبد الكريم وكريمة" شيفت يا سيدى أنت وهى، أديكم ح تبوظو المسرحية .

يـــوســف : بس دول في المسرحية فعلاً .

"الجرسونة تتراجع إلى النصبة"

كــــرم: أنا عارف ، بس لـوحديهم ، مش في القـهوة ، وما يسألونيش عن طيارات أو غيره .

عبد الكريم: أنا باطمئن على حاجة في دماغي يا أخى ، أنت غريب قوى .

يسوسسف: لا، دول في المسرحية معانا ويدخلوا القهوة كمان "للجرسونة" أنا وافقت عليهم زى ما وافقت على دى ، بس من غيير رقص ، يا اللا شاى وسحلب وطلبات يا جرسونة "لعبد الكريم وكريمة" وانتم اقعدوا بسرعة "لكرم" سيادتك أنت أرجع لورا شوية لأنى أنا اللي ح أعمل الميزانسين .

كــــرم: "فى دهشة" أنا ، أنا أرجع لورا ، أنت كــده ممكن تبوظ النص .

يـــوســـف : "يتلفت حوله" آمال هو فيه اجتماع اتحاد الكتاب.

أحــــد : خلاص يا أستاذ ، خدوا القرارات .

يسوسف : ح يحاربوا .

حسماده: خدوا قرار بالبرقيات وفتحوا باب التطوع لأدباء الأقاليم .

يسوسسف : "بدهشة" اشمعنى أدباء الأقاليم .

العسجسوز: هما اللي بيحاربوا يا أستاذ، في كل الحروب أبناء الأقاليم هما اللي بيحاربوا، وأبناء المدن هما اللي يفوزوا بالغنايم ...

الجسرسونة : دى حاجة من صميم الأزل يا عمو .

العبوز: أيوه يا حبيبة عمو.

عبد الكريم: "يشير إلى الصالة" إيه إللي جايين هناك دول،

ينظرون ، من الصالة يتجه طابور من الشباب ، حوالى عشرة يحمل كل منهم على صدره لافتة باسم شاعر معروف، الأبنودى، حجاب، جمال بخيت ، ماجد يوسف، طاهر البرمبالى، محمد كشيك، عمر الصاوى، بهاء جاهين، أمل فرح، أمين حداد، رجب الصاوى ، وآخر شخص يحمل لافتة مكتوب عليها "وآخرون" ، يراعى أن يكون سمينا بعض الشيء ، يضيء الجزء الأيسر عن بوابة الكترونية بلا حراس ، يصعد الشعراء على الخشبة ، يتجهون إلى البوابة ، يقفون بانتظام .

الأبسنسودى : "السيد حجاب" بوابة الإذاعة من غير أمن والحرب على الأبواب .

حسجاب: دی مصریا عبد

أحسم الميزانية ماسمحتش بحراس للبوابة .

حـــــاده: شكلها كده فعلاً. تعال ننتقد الموقف.

يتجهان إلى البوابة.

كــــــرم: ولاد حلال كنت ح اطـلب منكم تقوموا تـعملوا حراس .

"يقف أحمد وحماده خلف البوابة ، يفتحان الباب الذي هو عبارة عن ماسورة ممتدة على حاملين ، يدخل الشعراء ، ينحشر الأخير".

أحسمسد : لف

لف من ورا البوابة .

الأخـــرون: "ينظريمينًا ويسارًا" مش لاقى سكة.

كـــــرم: "بانفعال" شيلوا البوابة خالص، الحرب ممكن تقوم وانتم لسه الباب.

"أحمد وحماده يحملان البوابة بعيداً ويعودان بسرعة يختفي الشعراء في الكواليس".

أحسمسد: "للآخرون" مش عايزين آخرون النهارده .
"يتـركـانه، يدخل هو الكواليس يسـارًا، يعـودان إلى المقـهى
يجلسون".

العــــجـــوز: دول الشعــراء يا ابنى زخيــرتنا وقوتنا الــضاربة . دول لوحدهم يبطلوا أقواها دولة .

عبد الكريم: يا ويله يا سواد ليله اللي ربنا يسلطهم عليه.

كسريمة: الله يرحمه بيرم التونسى.

عبد الكريم: أنت تعرفيه يا حبيبتى ؟

كسريمة: لأبس سمعتهم في البرنامج بيقولوا إنه أبو الشعراء .

أحسم عاماتش .

العسم وز: يخرب عقلك ، اسكت ليسمعوك يزعلوا منك .

أحسم علط .

ك رم : طبعًا ، كل شاعر وكل فنان دائمًا معتبر نفسه هو الأول لا قبله ولا بعده حد . .

ي وسف : "لكرم" أنا ما اديتوش دور راجل الأمن ، إنت اللي كنت ناوى ، "لأحمد" أنت يا ابنى لازم تاخدلك دورة سياسية الأول .

العبيبوز: "متسائلًا في الاتحاد الاشتراكي.

الجسرسونة : إيه يا عمو ، الاتحاد الاشتراكى ، لسه فاكر ؟

العبوز: أمال فين يا أولاد. ؟

يـــوســف : في الجريون وستلا وقهوة ريش . .

الجسرسونة : ياه ! هما دول تبع الداخلية دلوقت .

يــوسـف : طبعًا لا ، بس هناك يعرفوا اتجاهات الأدب .

"تحدث حركة في الخلفية خفيفة".

كـــــرم: فيه صوت جاى من وراء . .

كسسريمة : يا ماما ، خايفة يهجموا على القهوة .

عبد الكريم: هما مين يا كريمة ؟ إحنا دلوقت مش في الحرب.

كسريمة : آمال فين يا عبده ؟

عبد الكريم: في المسرحية ، يعنى لوحد مات أو حصل انفجار

يبقى تمثيل يا ماما "ينخفض النور شيئًا فشيئًا".

كسسريمة: دى بتضلم يا عبده.

عبد الكريم: تعالى في حضني يا كريمة.

بـــوســـف : أوعى حد ياخــد حد فى حضنــه ، وبعدين احنا رجالة كتير وممثلتين بس .

"يحدث إظلام تام على المسرح، تضىء الخلفية بنور باهر، ينسحب الجميع إلى الكواليس القريبة كل في يده مقعد حتى يصير المسرح خاليًا، تظهر في الخلفية مقبرة عليها اسم الشيخ إمام يقف أمامها شخص مسن رشيق ورفيع، بعد أن يظهر قادمًا إلى المقبرة وفي يده عود، إنه الشاعر أحمد فؤاد نجم".

نجـــم : إزيك يا إمام . .

"لحظة لا يتلقى فيها إجابة فيستمر" يا إمام الحرب باينها ح تقوم بكره ، أنا محتاجك بشدة. الإذاعة والتليفزيون مفتوحة قدامى لكن أنا عايزك يا إمام ، عايز ألف معاك الجامعة والمصانع والمزارع زى زمان .

صوت إمام: "خارجًا من المقبرة"، مين معاك يا نجم ؟

"بدهشة" الحـمد الله إمـام بيتكلم بيـرد على ، أنا عارف ، طول عمره يعمل مقالب زى دى ، مش بعيد يكون مامـاتش أصلاً والحكاية كلها أنه دور له على حتة مريحة ينام فـيها ، "يخاطب إمام" معايا يـا سيدى فؤاد قاعـود والواد زين العابدين والواد نجيب شهاب الدين والواد مـحمد سيف ، خلاص مابقوش ولاد ، ومعاهم محمد على .

صوت إمام: معاك هنا.

نجسسه : هما دول بتوع هنا ، دول بتوع هناك قاعدين على القهوة بيضربوا كوبايات شاى .

ص. إمـــام: الظاهر الدنيا اتغيرت في مـصر خــالص، هي الناس بتضرب الشاي ليه، هو إسرائيل. ؟!

نجـــــم : وبعدين يا إمام، قوم معايا علشان نضرب إسرائيل.

إمـــام: إنا قايم أهه.

ضوء يخرج من المقبرة أو دخان يشف عن الشيخ إمام ببدلته القاتمة ونضارته .

إمــــام: مافيش فايدة فيك يا نجم، مافيش حاجة عاجباك.

نجـــه : أكيد إمام كان نايم فعلاً وعامل ميت .

"يمدله العود" خد العوديا إمام .

"يمد إمام يديه يتناول العود" .

نجـــم : هات إيدك .

إمـــام: ليه. ؟

نجــــم : أسحبك لحد ما نقابل محمد على .

إمـــام: أنا دلوقت مفتح يا نجم، العمى دا كان عندكم في الدنيا.

"بمشيان خارجان من المسرح الذي يضيء كله بشدة ويطلع خلفهما فجر وترتفع أغنية دولا مين ودولا مين بصوت سعاد حسني".

ستار نهاية الفصل الأول

الفصل الثانى



المشهد الأول

صوت غناء عدلى فخرى للحظات ، نداءه الشهير "يا مصر" ، تفتح الستار ، في عمق الناحية اليسرى أمام الخلفية مقبرة وشخص يجلس أمامها هو عبد الكريم يقوم بدور الشاعر سمير عبد الباقى ، يرتدى چينز وقميص هذه المرة ، المقبرة لعدلى فخرى عليها صليب .

عبد الكريم: إيه يا عدلى ، ليه مش عايز تيجى معايا نعمل أوبريت جديد .

صوت من السماء: عدلى مش هنا يا سمير يا بنى .

عبد الكريم: "في دهشة" فيه إيه ، مين ده اللي بيتكلم ، أكون غلط في الطربة ، بس دى عليها اسمه .

صوت من السماء: الطربة مظبوطة عدلي اللي مش مظبوط.

سسمسیس : "فی دهشته آکشر" عسدلی مش مظبوط! دا ماکانش فیه مظبوط زی عدلی فی کل حاجة ،

دا كان زى المسيح في الوداعة وحب الناس .

صوت من السماء: عدلى سافر فلسطين يا سمير ، راح يغنى للانتفاضة.

سسمسيس : سافر فلسطين ، طيب إزاى ، دا علشان يدخل فلسطين لازم ياخد تأشيرة إسرائيل .

صوت من السماء: "ضاحكًا" عدلى دخل من فوق ، من الفضاء ، فوق البوابات يا سمير . قوم روح ما تتعبش نفسك، ولا أقول لك حصل الشعراء في الإذاعة.

سسمون النجاب الإذاعة ، لا ، دناح امشى أدور على حد من الشباب . أكيد ح الاقى ، دول بقوا كثير حتى اليومين دول بيغنوا ، أيوه ، دول بيزيدو كمان يوم عن يوم ، "يتقدم عبد الكريم إلى وسط المسرح فى حيرة ، يضىء الجزء الأبمن . ينظر ليرى العجوز وأحمد وحمادة والجرسونة فى ملابس أنبقة على مقاعد وثيرة وبينهم تليفزيون ضخم وفى أيدى الرجال بايب أو سيجار يضىء الجزء الأيسر بالسرير عليه كريمة وحدها تحت الغطاء".

عبد الكريم: أنا فى حلم ولا فى علم ، هنا ناس حلوة ، وهنا ناس أحسن هو مافيش حرب والا إيه ؟ "يخرج مسرعًا ، يضحك من فى الصالون إظلام فوق الصالون عن فيه من جديد".

كـــريمة : "تنادى" يا عبد الكريم، يا عبده، أنت فين من بدرى؟

"يأتى عبد الكريم جاريًا بالبيچامة".

عبد الكريم: أنا أهه يا روحي ، "يقفز فوق السرير".

"يدخل يوسف من الناحية اليمني".

بسوسف : "ملتفتًا إليها" نعم يا ستى .

كسسريمة : نزلني الله يخليك .

ب وسف : "في دهشة" طيب ما إنت جنبك راجل أهه .

كريمة: لا، دا ليه شغله تانية، بيطلعني . .

بيسوسف: "في حيرة" أنزلك فين ؟ .

كسريمة : على الأرض ، عايزة أقول لك حاجة .

بيسوسيف : "مقتربًا منها" نعم .

كـــريمة: "تشير على ظلام الركن الأيمن" أنا شفت هنا من شوية

ناس شیك قوى ، مین دول ، رؤساء الدول ؟

عبد الكريم: "ضاحكًا من فوق السرير"دول الرأسمالية

يا كريمة .

ي سف الظبط.

عبد الكريم: رأسمالية وطنية مستغلة، قصدى مستقلة.

كـــريمة: دول اللي طلعوك في الخصخصة.

عبد الكريم: اللي طلعوني وطلعوا أهلي كمان.

ي وسف المسلم المعقول كده ، مش عارفين المستغل ، دول ح يمثلوا شوية ويمشوا ، خلاص . يا كرم يا مخرج العرض في عرض النبي نور عليهم ، "إضاءة على الصالون ، يظهر الجو، الجالسون من جديد، رائحة بارفانات تعطر الجو، التليفزيون يعمل ، عليه رقصات أجنبية .

كسريمة : كده بأه نزلنى بسرعة ، دا فيه بارفانات ورقص . "ينجه يوسف إليها ، يحملها ، يذهب بها إلى الصالون ، يتركها على مقعد فجأة".

العبوز: "في فزع إيه ده ؟

ي وسام المخرج ما دام المخرج ما على يشيل الشخصيات .

شوية كده وحاخدها من المشهد .

"ينسحب خارجًا ، عند السرير يقف يفكر ، يقفز فوق السرير مددًا جوار عبد الكريم الذي يندهش بشدة".

يسوسسف : ولا كلمة لحسن أوديك هناك وأجيبها هنا .

الجسرسونة : خلونا في المهم، ماقلتوش ح نعمل إيه لو الحرب قامت.

أحسمد: شكلها كده من إمبارح قايدة نار ، ويمكن تحصل خلال ساعات ، كويس قوى إن إحنا اتقابلنا دلوقت قبل الضهر ، وعلى فكرة أنا جيت علشان حاجة تانية خالص ، "السرير يتراجع عليه يوسف وعبد الكريم".

العسجسوز: حاجة إيه يا أحمد بيه . ؟

أحسمسد: أنا شخصيًا "يقف ويتحرك أمامهم أو حولهم" يمكن الحرب تحل لى مشاكل كثيرة .

حسمساده: إزاى يا خفيف ؟

العسجسوز: يا حبيبى! قول الحقيقة يا أستاذ، قوله أن كل عقد الماحل عقد المادلة عند هناك في الساحل الشمالي.

حسماده: الدور والباقى على أنا إللى استثماراتي كلها في سينا .

النجرسونة : أنا طول عمرى عندى حاسة سادسة ، علشان كده خلال سنة بعت كل استشماراتي وأملاكي وبعت فلوسي كلها بره .

كسسريمة : يا أولاد الأبالسة!

العسجسوز: إنت لسه قاعدة يا بنت ، فنرى قومى انطرى نفسك وأعملى لنا قهوة ، المطبخ هناك أهه .

"تنصرف".

الجسرسونة: مين دى ؟

أحسم الشغالة بتاعتك ؟

الجسرسونة: لا.

حـــمـاده: تكون إسرائيلية ؟

الجسرسونة : أو من مباحث الأموال .

العب وز: ما تخافوش ، دى السواق بتاعى . .

"يضحكون".

حسمساده: "يقف أيضًا" على أى حال أنا قررت أريح نفسى وأسييب البلد كلها، بعد ساعة ح أكون في المطار أخد طيارتي الخاصة واطلع على جزر مايوركا.

"للجرسونة" أخبار طيارتك إيه".

الجسرسونة: شبكت في السلك .

يوه ، قصدى عطلانة ومتنيلة بنيلة ، انحسدت ، حسدها الغمراوى باشا ما أنت عارف عينه مدورة أد إيه ، بس الحمد الله إللي جت على قد كده ،

دا حسد بهجت بیه مراته جالها بعید عنك كانسر و هو كمان مات و راها و خلیفة بیـه جاله هو نفسه كانسر و مجیب بیه بنته مسكینة جری لها إللی جری .

حسمساده: إحنا لازم نقاطع المغمراوى باشا ده، دا أنا مرة كنت ماشى معاه شفنا خمس بيوت قديمة فى الظاهر واقفين حوالين عمارة جديدة، بص للعمارة وقال يا سلام، عروسة، قوية، راحت واقعة فى بيرها، وعلى الخمس بيوت.

أحسسد: يا ساتريا رب.

حسمساده: الحسمد لله إنسى حاسيب السبلد قبل ما يشوف الطيارة .

"تظهر كريمة متسللة خلفهم في يدها روموت كونترول، تسلطه على التليفزيون، تتغير المحطة. يظهر مـذيع النشرة، تتسلل كريمة عائدة".

العب وز: هو فيه عفاريت في البيت ده ؟

المسديسع: أيها السادة جاءنا البيان التالى: نظرًا للظروف الخطرة التى تمر بها البلاد الآن قررت السلطات المصرية إغلاق جميع المطارات المدنية ، واعتبار الساعة العاشرة من صباح اليوم هى آخر ساعة إقلاع .

حـــفـاده: يانهار اسود.

الجرسونة : "واقفة" دى قلة أدب ، كان لازم يستنونا .

أحسم العمراوي نيلة .

العسجوز: "واقفًا بدوره" المسألة مالهاش علاقة بالغمراوى ولا الكفراوى ولا البحراوى ولا حتى البراوى . المسألة ليها علاقة بنيتكم الوحشة ، حد يسيب مصر في ظرف زى ده ، أناح استنى واتبرع بعشر ملايين جنيه للمجهود الحربي .

"نظهر كريمة حاملة صينية عليها القهوة ، يهجم حمادة عليها .

كسسريمة: "فى رعب" إيه يابيه، حرام يا بيه عايز منى إيه، أنا مش هنادى .

الجرسونة : 'تمسك بها أيضًا' أنت مين إللي بعتك هنا ؟ قولي قبل ما أشرب من دمك .

كمسسريمة : بصراحة بصراحة أنا ممثلة .

الجسرسونة: نعم يا أختى .

كسسريمة : والأستاذ يوسف هو إللي شالني لحد هنا .

الجسرسونة: يوسف شاهين.

كىسىرىمة: يوسف يوسف ، اسمه كده مع إن شكله مش زى اليوسفى . حماده: "يتقدم بها إلى الأمام" بلاش استعباط، قولى إنت مين وإيه إللى خلاكى تشغلى التليفزيون من ورانا.

العسجسوز: سيبها يا حمادة بيه ، دى أنا أعرفها كويس . دى مرات عبد الكريم .

أحسم عنده مشكلة.

العسجوز: بالظبط.

أحسم ليه ، حد قال لك أحنا مش زى عبد الكريم ليه ، حد قال لك إن أحنا مش زى عبد الكريم "يتقرب منها جدًا".

العبوها خلونا نسمع المذيع.

"بتركونها، يكلمها" إنت يا بنت حطى القهوة وروحى أعملي شاى .

يقفون حول التليفزيون، تضع هي القهوة وتقف.

المدني : قرر الرئيس العراقي إرسال ستة ملايين جندي للدفاع عن مصر مع الجيش المصرى الباسل .

الجرسونة : الله أكبر تحيا بغداد بلد الرشيد .

"العجوز يعد على أصابعه".

أحسم عمل إيه ؟

العسج وز: باعد الستة مليون "يضحكون" في الحقيقة باعد العسراقيين إللي ح يفضلوا في العراق ، عندك

خمسة مليون متشتة بره وستة مليون ح يخرجوا يبقى حداشر من عشرين يفضل تسعة فيهم ٢ مليون راجل والباقى ستات وعيال .

حسماده: أيوه دا لو لا قدر الله جرى حاجة للستة مليون، إنما دول حيحاربوا ويرجعوا.

العبول: يرجعوا!! هو حد بيخرج من هناك وبيرجع ، وحد الله ، يا عينى يا بلد الرشيد أحلى بلد فى الدنيا جار عليها الزمن بره وجوه يا أولاد .

"يبتعد قليلاً ويتذكر" ما حدش منكم يا أولاد مشى على جسر الرشيد ، ولا اتمشى فى شارع النهر ، ولا الرصافة والجسر ولا الرصافة والجسر يا شباب ، وإلا البنات وشعر البنات وحنة العراق ، يا عينى .

الجرسونة: إيه ؟ جرى أيه يا عممو ، الله ، إنت ح تنكد عمر الله ، إنت ح تنكد على الشباب ليه "تشير إلى أحمد وحماده" .

العبوب وز: آخر مرة رحت العراق يا أولاد كانت سنة سبعين القرن إللي فات ، آه والله ، إللي فات مش إللي قات كله إللي قبله . لازم التحديد لا أن إللي فات كله بيتشابه على الناس، قابلت بنت سبحان الخلاق، شعرها لحد كعبها ، كان اسمها إيه ، مسرى .

وكمان إللى يشوفها تسرى روحه فى الفضاء . قعدت معايا مرة ، وفى المرة التانية جابت لى طقم أقلام حبر ، وبعدين راحت ماجاتش .

كسريمة: لحد دلوقت ؟

"ينظرون إليها بدهشة".

الجسرسونة : إنت لسه واقفة ؟

كــــريمــة: يا لهوى، أنا سبت الشاى، "تتظاهر بالمشى وتقف".

المسذيسع: كذلك قرر أمير الكويت التبرع بمائتى مليون دولار معونة عاجلة إلى مصر الشقيقة .

كسسريمة : تعرفوا يا بهوات أنا لو المسؤول أخد فلوس الكويت أديها للستة مليون عسكرى عراقى وأرجعهم العراق تانى أو حتى أخليهم هناك .

العسب وز: هي فكرة، بس مين يضمن أن الفلوس ح توصل لهم. "يظهر كرم داخلاً إلى المسرح بقوة".

كسسسرم: إبه التخاريف دى . مالنا إحنا ومال السياسة ، إحنا هنا على المسرح ، عساكر عايزة تيجى ، دولة عايزة تبعث فلوس ، نرحب بالعساكر وناخد الفلوس لغاية ما المسرحية تخلص وكل حى يروح في مكانه ، إنتم عايزين تمنعوا المسرحية وآلا إيه ، وبعدين ممكن جدًا نسافر بالمسرحية ، بعد الحرب الكويت والعراق .

الجسرسسونة : "ضاحكة ساخرة" آه وتقوم حرب كمان هناك بالمرة .

العسبوز: يعنى تأمر بإيه يا سيد كرم.

كـــرم: عايز تشكروا العراق والكويت.

جسميوعاً: نشكر العراق، نشكر الكويت، نشكر العراق

والكويت ونخص بالشكر السادة الشعوب.

"بعد لحظة" والحكام علشان المسرحية تمشى .

كسسرم: كده انتهى المشهد الأول، إظلام.

صوت بوسف : ضلمها يا خويا ضلمها ، دى إللي إنت فالح

فيه.

"إظــــلام"

المشهد الثاني

تضيىء الأنوار على المسرح خاليًا تمامًا من الناس ، يغلب عليه طابع التجريد ،على كل ناحية شجسرة بلا أوراق ، الخلفيسة جنود في معركة بشكل تجريدى ، مجرد خطوط ، على اليمين يجلس المخرج مهمومًا على مقعد أبيض من الحديد ، على اليسار يجلس المؤلف على مقعد مشابه . كل منهما حزين يضع يده على خده ، لحظات صمت موسيقى حبيتك في الصيف بلا صوت إنسانى ، لا يوجد إلا التليفزيون.

كسسرم: ح نقعد كده كتير؟

يسسوسسف : مش عارف ، باينها قفلة الكاتب ، رايترز بلوك.

کے تتحل إزای ؟

يسبوسف : ليها حل ، شفته مرة في السينما .

كسسرم: قل لى الله يخليك.

يسوسسف : شكسبير إن لاف ، شكسبير عاشقًا .

كــــرم: "بعد لحظة تفكير" يعنى إيه "يقف" يعنى حــضرتك

عايزين أجيب لك واحدة حلوة .

ي مش أقل من أميرة ويسكس .

كـــــرم: بس ويسكس دى مـقـاطعة إنجــليزية مـاكــانتش موجودة .

دى إختراع مؤلف الفيلم جون ستوبارد .

يقف يقترب منه "هو شكسبيـر ده مش كان مؤلف مسرح ؟

وتوم ستوبارد ده مش مؤلف مسرح ؟

كــــرم: أيوه . .

يسوسف : وأنا مش مؤلف مسرح ؟

كــــرم: زى بعضه .

ي وسف : اشمعنى تقلدوا كتاب بره فى كل حاجة إلا حل قفلة الكاتب .

كــــرم: "مبتعدًا" أمرك غيريب وطلبك أغيرب يا جو ، الحيرب ح تبدأ وأنت جياى لى فى وسط النص وتقول لى قفلت وعايز أميرة مش عارف إيه .

يـــوســف : بلاش أميرة ، هات لى الممثلة جونييث بالترو .

كــــرم: دى سهلة "يستدرك" إيه ، جونييث ؟ أنت عارف دى أجرها أد إيه : مليون دولار ، وبعدين دى مش ح تمثل ، دى ح تحل عقدتك يالهوى ، يعنى ولا عشرة مليون .

يـــوســـف: الوزارة مليانة فلوس ، صدقنى بس وروح أطلب المبلغ .

كـــرم: 'يفكر قليلاً' استنى، أناح أجيب لك جونييث.

عشى إلى الكواليس ناحية اليمين ، يد تمتد إليه برجاجة برجاجة بيبسى كولا بأخدها ويعود إليه".

كــــرم: اتفضل .

يسوسف : 'بدهشة' إيه دى ؟

كـــرم: مش إنت عيان ؟

يسوسف : أيوه .

كـــــرم: أهو إحنا في مصر إللي يعيا نجيب له إزازة بيبسى وممكن برشامة لوتحب ، "يلتفت ليمشي"

ي استنى يا سيادة المخرج، أنا عيان نفسى، نفسى

كــــرم: خلاص ، أجيب لـك قزازة فاضية تعـمل نفسك بتشربها وأنت ما بتشربهاش .

"التليفزيون يوش وصوت يتحرك داخله".

إيه ده ، دا بيشتغل لوحده .

ير في السرحية دى لحد أنا شاكك من بدرى أنك بايع المسرحية دى لحد تانى .

كــــرم: طيب الفـصل الأول وكتـبتـه وممكن أبيعـه لكن دوبك مشهد واحد.

المسذيسع : هذا وقد تقرر وضع كل إمكانيات الجماهيرية العظمى تحت تصرف مصر .

ي وسف : أهو أنا عمرى ما كنت أحلم أكتب كده .

كــــرم: ولا أنا.

المدذيسع: ولقد دعا الأخ القائد أمناء القومية العربية في كل مكان في العالم إلى تدمير المصالح الصهيونية والأمريكية.

المخـــرج: وكنت بافكر أشيل التليفزيون من الديكور، كنت ضعت فيها.

المسذيسع : كذلك تقرر فيتح المجال الجيوى والبحرى أمام الطيران والبحرية المصرية .

يسوسف : تمام زى أيام حرب أكتوبر .

كــــرم: إنت فاكرها.

يـــوســـف : أنا كنت لسه مولود بس قريب عنها ، أنا اتولدت بالضبط يوم ستاشر أكتوبر ، يوم الثغرة .

كسسرم: دا أنت مامتك ماكانتش بأه بتولد ، كانت بتألف. الموت والميلاد ، "يقلد الموسيقى الصاخبة" تان تان تان تان الحرب "ويتحرك" ، كل المؤلفين بيعلموا كده ، الحرب تشتغل وواحدة تقول أى ويبدأ يجيلها الطلق ، حاجة من أيام الواقعية الإيطالية .

يسوسسف : طيب اسمع المذيع .

المدذيدع: كذلك تحويل النهر العظيم إلى مصر توقعًا لأى عدوان على نهر النيل ، تسمم النهر ، منعه من المنابع .

ي وسف البنه المديد" على النعمة فيه حد عايز يبوظ المسرحية دى . أنا لا يمكن أجيب سيرة أى مسؤول عربى ، زعيم أو رئيس أو حتى قائد طابية "لكرم" شيل التليفزيون ده من فضلك بدال ما أكسره ، دا تليفزيون مدسوس .

كـــــرم: 'زاعقًا' شيل التليفزيون.

"يدخل أحمد وحماده يحملون التليفزيون خارج الكواليس يعودون بالمقاعد ثم يعبودون حاملين العجوز ثم الجرسونة ثم يعودون حاملين التليفزيون ، يقفون مقطوعي الأنفاس".

الجسرسسونة : 'للمخرج' خلاص ح اشتغل معاكم ، هاكمل، مكانش فيه لازم يشيلوني كده .

العستجسوز: وأنا يا ابنى رعبونى ، فكرتهم ح يرمونى على الجمهور .

كــــرم: اتفـ ضلوا اسـتـريحـوا حـانشـوف حل مع سى يوسف.

يسوسسف : فين السرير ؟

عبد الكريم: "من الكواليس" لا ، لا ، بلاش السرير دلوقت ،

إحنا كده مستريحين .

كسسسرم: "في انفعال" شاشة.

"تنزل شاشة من أعلى" ، أنا ح اشتغل مش ح استنى تفك قفلتك دى .

ي سوس البيقاع سريع طائرات حربية تملأ السما . اصوت الطائرات . اصوت الطائرات .

كــــــرم: جنود يمرون وسط النار "على الشاشة ، جنود يجرون وسط نيران ودخان".

يــوســف : قنابل وحرائق ابتحقق ما يقولان على الشاشة".

كسيرم: دمار، دمار، دمار، على الشاشة.

ي مظاهرات تطالب برأس المقصرين .

"الشاشة بيضاء فيعيد الجملة وتظل بيضاء".

كــــــرم : مقصرين إيه ؟ إنت بترجع أيام النكسة ، إحنا حنا ح ننتصر .

يسوسسف : مظاهرات تطالب بالحرب .

لا تزال الشاشة خالية .

كـــــــرم: إنت زعلت الجــمهــور أصلاً 'للا أحد أرفع الشــاشة' ترتفع لتنزل شاشة أخرى .

كــــرم: "في دهشة ا إيه ده ؟

يــوسف : دى الحقيقة يا حبيبى اسمع المذيع .

"يظهر على الشاشة المذيع يتحدث".

كـــرم: مجلس الأمن ولا مجلس الشعب ؟

يـــوســف : الحقيقة في الفن نسيبة ، المهم مجلس . .

كسسرم: طيب يا فالح.

يب وسف : الحمد لله أن ماغلطش وقال تصوت بالفيمتو .

العسد فيسط : مندوب الاتحاد السوفيت يصاب بالخرس فجأة ، حاول الكلام فلم يستطيع حملوه على نقالة إلى المستشفى وانفض المجلس "يتم تجسيد موقف مندوب الصين ومندوب الاتحاد السوفيتى ، عمثل يدخل ليقف فى ركن ويقوم بالدور لناس وهميين وخلال ذلك يخرج أحمد وحماده ويعودان بنقالة تنقل مندوب الاتحاد السوفيتى " ..

ترتفع الشاشة بالمذيع.

المدنيسع : استنوا لسه النشرة ماخلصتش .

يسوسف : شفت يا سى كرم ، من غير تأليف الحاجة بتمشى .

"يعود كل منهم صامتًا إلى مقعده ، يجلس فى حزن ،
إظلام تتخلله موسيقى مناسبة لفتاة جميلة تدخل وسط الظلام

شقراء مثل جونييث بالترو تتقدم نحو يوسف الذى يشم
رائحة البارفان فيتنشقه ويتلفت حوله .

يــوسـف : أنا شامم ريحة نسوان .

ترتكن بيدها على كتفه.

ي بوليس بوليس بالبرفان ، مش معقول . "يلتفت، يندهش" مين إنت .

الفتاة: جوينيث.

يــوسـف : جوينيث مين ؟

الفــــــاة : بالترو أميرة وسكس .

بـــوســف : "لنفسه" معقول أنا شكسبير ؟

"يحوطها بذراعه ، يمضى بها ، الأضواء تتابعهما ثم يختفيان خلف الكواليس ، يظهر المخرج يقف مندهشًا على خشبة المسرح .

كسسسسرم: معقول المسرح يفضى علينا كده، لا ممثلين ولا مؤلف. "موسيقى حبيستك فى الصيف تنعسود، أو ضى القناديل لعبد الحليم".

كسسرم: أنا والله ممكن أألف بدال يوسف، شحنة انفعال بس ، شحنة واحدة .

"يظهر فلسطينى ملثم بالغترة الفلسطينية يلقى بقناجل في الخلفية أصوات تأتى من بعيد ، نحن فداء مصر ، فلسطين فداء العروبة ، طائرات تخرق حاجز الصوت ، هدير مدافع .

كسسرم: يا شباب ، يا رجال ، الانفعال حصل ، يا لا نكمل ، "يظهر أحمد وحمادة والجرسونة والعجوز ، أحمد وحمادة في زي التمريض ، أحمد وحماده في زي الصاعقة ، الجرسونة في زي التمريض ، يظهر السرير قادمًا عليه عبد الكريم وكريمة كما هما".

كــــرم: والله العظيم مافيش حد حيبوظ المسرحية غيركم إنتم.

عبد الكريم: صديقك إللي بعتنا . .

كـــريمة: قال لنا نيجى نرتجل معاكم لحد ما تنفك عقدته، سيبنا له الأوضة، أصل ماعندوش مكان، مؤلف ناشى بأه.

كــــــــــرم: "أحمد وحماده" وإنتم إيه ده إللي لابسينه.

أحسمسد: إحنا استدعينا في الجيش.

كــــرم: الله، أمال جيتم أزاى المسرح، ليه ما طلعتوش على الجبهة.

العبيرة: كنا طالعين ، قلت لهم واجب نودعك .

الجسرسونة: إنت كمان استدعيت للجيش ؟!

العفسسرج: طيب خليكم ارتجلوا معانا ، كلها نص ساعة ونقفل العرض ، الدنيا مقلوبة ، مجلس الأمن ولقاءات الرؤساء والملوك ، وتحركات على الحدود وماحدش لسه أعلن الحرب وإحنا مش لاقيين كلام نألفه .

العسجسوز: معلش أعمل مندوب إسرائيل في الأمم المتحدة. "يخرج من جيبه طاقية ويضعها على رأسه، يتقدم ناحية اليسار ويقف رافعًا يده ويتكلم "سيناء أرض محايدة، كيف تدفع فيها مصر بكل هذه الحشود العسكرية".

أحمد وحمادة معا: طز فيك .

العسجسوز: اتفاقية كامب ديفيد تحدد أعداد الجنود والمدافع ومصر دفعت بما يزيد على الاتفاقية ألاف المرات.

الجسرسونة: طزفيك.

صوت الطائرات تقطع الفضاء .

كريمة وعبد الكريم: "معا وهما فوق السرير" الله أكبر "يصفقان" انفجار شديد يقع في الخلفية ، العجوز ينظر واضعًا يده فوق عينيه". العبوز: دا انفجار شدید قوی فی تل أبیب.

كريمة وعبد الكريم: الله أكبر.

"الجرسونة تخلع البالطو الأبيض وتشرع في الرقص ، يدخل يوسف جاريًا".

ي والاكده ، أنا سيبتك في الفصل الأول لكن إياكي، اطلعك من النص .

الجسرسونة : خلاص خلاص خلاص ، "ترتدى البالطو".

كـــــرم: "ليوسف" أنت مش كان عندك قفلة ، خلاص اتحلت.

يسوسف : أبدًا ، عمال أحل فيها .

كــــرم: يعنى آخرتك إمتى .

ي و امثله ، أنا رأيى تكمل أنت المسرحية وتدينى دور أمثله ، أنا تعبتت ومش قادر أكمل الحل "بتظاهر بالأعياء".

كـــــرم: تاخد دور الجرسون ، هو الدور إللي فاضي بعدما صاحبته اتطوعت في التمريض .

يسيهوسسف : "ينظر إلى السرير" إديني دور عبد الكريم .

ك واعمل إيه في عبد الكريم .

ي وسيف : دخله الجيش ، خليه ظابط استطلاع ، أو أقول لك في المهندسين ، يعنى في المقدمة ، وسيب الباقي على ربنا .

كسسرم: "يفكر" أناح أدخله الجيش فعلاً ، بس برضه ح أديك دور الجرسون "بانفعال" يا اللا ، بسرعة ، خذ مكانك "يجرى يوسف إلى الناحية اليمنى ، تمتد له من وراء الكواليس يد بمريلة جرسون يرتديها ، يقف خلف النصبة ، يجلس العجوز وأحمد وحماده والجرسونة" .

کــــرم : ستاند بای .

يظلم المسرح لدقائق، موسيقى أغنية عبد الحليم، أحلف بسماها وبترابها ، يضبىء المسرح على نفس الوضع السابق .

كــــرم: "للجمهور" أنا عارف إنكم بتستغربوا أن المشهد زى ما هو ، أنا نفسى باستغرب ، لكن ميهمش استحملونا "للممثلين" حافظين الدور .

جميعًا: حافظين يا أستاذ.

كسسسرم: ياخد كرسيا من المقهى ويجلس بعيداً يا اللا ورونى يا حلوين ، "عبد الكريم ينزل من فوق السرير ، يرتدى شورت وتى شيرت ، يسرع ويقف بين السرير والمقهى".

ي وسف النصبة كلمة مندوب فرنسا في مجلس الشعب ، "ينظرون إليه ويضحكون" يخرب عقلي . قصدى مجلس الأمن ، الواحد أول ما ساب التأليف وقع في الغلط .

عبد الكريم: لافرانس ناجرييه باه سيرليز أو باراسيون ديسرائيل، لا فرانس . .

كــــريمة : "من فوق السرير" النبي عربي يا عبد الكريم .

عبد الكريم: إن فرنسا لا يمكن أن توافق على العمليات الإسرائيلية كما إنها كانت تأمل أن لا تدفع مصر بجيوشها إلى سيناء ، إن فرنسا تريد حلاً سلميًا للنزاع وتدعو الجميع إلى ضبط النفس وتدعو الأمم المتحدة إلى نزع سلاح جميع دول الشرق الأوسط.

أحسمه : إحنا سيبناك اتكلمت لكن هل إنت بصحيح مندوب فرنسا .

العسج وز: مادام بشورت يبقى ممكن ، ما إنت عارف فرنسا، يا سلام على أيام الحرب العالمية الأولى .

أحسمسد: "صارخًا" إيه ؟

العبوز: قصدى التانية.

أحـــمــد : "بفزع" بتقول إيه ؟

العسب وز: قصدى أيام الجزائر.

أحسم واتكلم بدون والعلم الحمنى واتكلم بدون تواريخ .

العبوز: خلاص يا ابني أنا بس افتكرت المجندات الفرنسيات.

أحسم عمل بيهم إيه؟

العبوز: يا ابنى أنا لسه في نظر.

المدنيسع: "من التليفزيون" سكوت أرجوكم، انتظروا بيانًا هامًا.

"لحظات صمت" فخامة الرئيس يرد بالشكر على جميع أصحاب الفخامة والسمو ويخص بالتقدير الشيخ زايد بن سلطان آل نهيان الذي وضع كل إمكانيات الإمارات تحت تصرف مصر.

"يصفقون"

كـــــــرم: لا ، من غير تسقيف لو سمحتم ، فيه دول كتير وبعدين تنسوا دولة ولا حاجة تضيعوني .

الجـرسـونـة : مافيش أحسن من الإمـارات ، دول صغيرة لكن نضيفة وفيها خضرة وفلوس .

ي وانترنت .

حسم ادة: بس لو كان الشيخ زايد يأمر بمليون عقد عمل للمصريين بدال الهنود والتايلاند والأسيويين .

كــــريمة: "لعبد الكريم" سامع يا عبد الكريم، خد بالك ح يبعتوا عقود عمل!

عبد الكريم: بعد الحرب يا كريمة مش دلوقت.

كسسريمة: إعمل حسابك تسافر.

عبد الكريم: أسيبك يا روحى.

كـــريمة: وإيه يعنى ، ما إنت كده سايبنى وكده سايبنى، هى دى مشكلتى مع السلام ، يبقى أقله تجيب فلوس .

عبد الكريم: أعوذ بالله منك ، إمتى المخرج يطلب منك عملية فدائية .

العسم وز: بالكم يا أولاد الدول العربية دى كلها حلوة قوى بس فيها عيب واحد .

ي وسف : قول يا حكيم الزمان .

العبوز: مافيهاش نسوان.

"ضحك من الجميع".

الجسرسونة : مش عيب برضة تقول كده يا عمو .

العبول: ما تزعليش منى يا بنتى أصل لفيت الدنيا كلها وشفت النسوان الحقيقى ، علشان كده أنا باسمى الجامعة العربية جامعة الدول العربية للبنين .

المدذيدع : كذلك يخص السيد الرئيس بالشكر عاهل المغرب على على دوره النشط في الأمم المتحدة لحل المشكلة .

ي سلام على الأخوة في المغرب، ناس ذوق صحيح.

كــــريمة: أنت ليك إخوات في المغرب.

يـــوســف : اشمعنى يا أختى ؟ وبعدين هو أنا خلاص علشان سبت التأليف حتكلمينى بدون تكليف .

كسريمة: لأمش قصدى أصلك بتقول الأخوة.

الجسرسونة : أخوة في العروبة يا مدام .

كسسريمة : طيب يا أختى .

یـــوســف: وبعدیـن ماتنسـیش أن المغاربة قــعدوا فی مــصر ییجی ثلثمیت سنة ومش بعید یکون لی أخوة وأنا ما أعرفش ، وإنتم كلكم كمان .

حسم اده: شكلك كده بيتمحك في المغرب يا كابتن .

العبد بوز: أصل الستات هناك حلوين ومش عقد ، أيوه! هي دي إللي تطلع من حكاية البنين وأنا عمال افتكر وأقول إيه الدولة اللي المفروض أطلعها من جامعة البنين دي .

برافو عليك يا يوسف يا بنى ، الستات : الستات فى المغرب حاجة ترد الروح ، يا سلام لما تقف كده فى طنجة البحر المتوسط على يمينك ، والمحيط على شمالك وتشم هوا خفيف بارد من على اليمين ، وهوا تقيل مثلج من على الشمال ويكون معاك غزال مغربى تحت باطك .

أحسمسد: "هاتفًا" يا عيني .

الجسرسونة : شوفوا الراجل إللي خرف .

المسذيسع : كما أرسل الرئيس . . .

كــــرم: ستوب.

"يتوقف المذيع ، يخرج يوسف من خلف النصبة ومعه ورقة كبيرة يقرأ فيها أمام التليفزيون الذي يختفي وراءه".

ي وسف الرئيس برقية شكر للرئيس برقية شكر للرئيس اليمنى على جهودة في السماح للبحرية المصرية بإغلاق بوغاز باب المندب أمام سفن العدو إذا قامت الحرب.

العبين نفسهم هما إللي سدوا العمنيين نفسهم هما إللي سدوا العبيب البوغاز، لكن معلهش أحسن من مافيش.

كسسريمة: 'لكرم' وأناح افضل قاعدة كده على السرير.

كــــرم: نعم يا اختى ؟

كسسريمة : عايزة أحارب ، أعمل أى حاجة ، نزلنى .

كسيلها يا عبد الكريم وهاتها هنا .

"يتقدم عبد الكريم، يحملها، تنزل أمام المخرج".

"لكريمة" عندنا عملية فدائية محتاجة لست كبيرة شوية ، الجرسونة صغيرة ، ست وقورة زيك .

كسريمة: فين ؟

كـــرم: ف ناتانيا.

كـــريمة: موافقة.

كـــرم: يا اللا جهزوها.

أضواء تنحسر وتشتعل ، الباقون يلفون كريمة بالديناميت ، ثم يضعون فوقها بالطو أسود ، وحطة فلسطينية ، الخلفية تتغير ، يظهر فيها شكل سوق كبير ، الأضواء تعود ، كريمة وسط الجميع الذين ينظرون إليها ..

كبيرم: على رأسها حطة فلسطينية وعايزين العملية تنجح؟

كسسريمة : يا لهوى ، دانا كنت انكشفت "لكرم" الظاهر فيهم عميل يا أستاذ .

كسيرم: لا ، مجرد غلطة يا عبد الكريم.

كسسريمة : 'في دهشة' عبد الكريم .

يضحكون ، ترفع الحطة ، يتقدم كسرم إليها ، يعطيها تليفون محمول .

كسيسرم: دا محمول ، واحد واحد يفجر الديناميت.

كـــريمة: وأنا مستعدة.

كـــرم: إنت دلوقت فلسطينية.

الجسرسسونة : "للعجوز" يا خوفي تقلب بجد . .

كــــرم: يا اللا اتفضلى . .

غشى إلى الخلفية ، الأضواء تنحسر إلا عليها ، تصل إلى السوق ، تقف قليلاً .

کسسریمه : یا رب خد بایدی ، یا رب یسر لی آمری ،

یا رب سامحنی، دا شعبی یا ربی کل یوم متهان،

یا رب دا شعبی کل یوم مقتول ، یا رب المفتی

إللی قال إن العملیات الفدائیة حرام یروح النار ،

یا ربی أنا یئست خالص ، الدنیا کلها بتنفرج

علیا وعلی آهلی وأولادی وهما بیموتوا کل یوم،

یا رب إنت وحدك إللی عارف أنی ضحیة للعالم،

یا رب یا کریم یا واحد یا علیم یا قاهر استجیب،

ما عادش غيرك يا فلسطين ويسقط جميع العالم

مادام ساكتين ، يسقط جميع العالم مادام

"تدوس على المحمول ،انفجار شديد وغيم فى الخلفية وأصوات صرخات وهرولة وناس تجرى وألوان ودم وصوت إسعاف يخرج الممثلون جميعًا من الكواليس على مهل يلتقون وسط المسرح ، ينظرون إلى الجمهور ، يعودون ينظرون إلى الجمهور ، يعودون إلى المقهى إلى الخلفية التى تعود إلى حالتها ، ويتجهون إلى المقهى ما عدا عبد الكريم الذى يمشى إلى الخلفية وينحنى ويمسك شيء من الملابس ، ويعود إليهم" .

عبد الكريم: دى ماتت بصحيح، دا ماكانش تمثيل "لكرم" ماكانش تمثيل ياسى المخرج.

كــــرم: سامحنى يا عبد الكريم، أنا ما بقتش عارف الحقيقي من التمثيل.

عبد الكريم: يعنى إيه ؟

كــــرم: يعنى خلينا نكمل المسرحية ونشوف الآخر أد إيه كان تمثيل وأد إيه حقيقى.

عبد الكريم: "يدورعليهم" يعنى فيه أمل ترجع ؟

الجسرسونة : ربنا موجود يا عبد الكريم .

العبرير يمكن للعبور: روح يا عبد الكريم اقعد على السرير يمكن لما تشوفك قاعد تيجي . .

عبد الكريم: أنا مش عايز السرير، اسحبوا السرير، اسحبوا السرير، اسحبوا السرير، "يدخل في نوبة هيستيريا".

كـــرم: اسحبوا السرير.

يتحرك السرير خارجًا مسحوبًا بحبل ، يقترب كرم من عبد الكريم اسمع ، امسك نفسك ، اشتغل معانا لحد النهاية ، النهاية ح توضح كل حاجة ، وبالذات الفرق بين الحقيقة والخيال . "للجميع" يا اللا ، اجتماع النقابة ، "يعدون المقاعد، إظلام" يخلع أحمد وحماده الزى العسكرى ،

تخلع الجرسونة الروب، يدفع يوسف النصبة الخشبية لتصبح منصة ، يخلع الفوطة ويجلس مع الباقين ، ينضم إليهم عدد من الشباب الذين ظهروا من قبل ككتاب في زي آخر ، يظهر عبد الكريم في بدلة أنيقة ، وكذلك كريمة في تايير جميل ، تنزل لافتة مكتوب عليها اجتماع نقابة الصحفيين ، خلف النصبة يجلس عبد الكريم وأمامه لافتة صغيرة "نقيب الصحفيين" جواره تجلس كريمة وأمامها لافتة مكتوب عليها "ضمير الصحافة" ، كرم يقف جوار المنصة ، إضاءة على الحميع .

كسيد نقيب الصحفيين يتفضل بالحديث.

عبد الكريم: "بتنحنح" طبعًا حفراتكم عارفين إن إحنا داخلين عبد الكريم على أيام مهمة وفاصلة في تاريخ أمتنا .

أحسم الوطن أحب أحسم الوطن أحب أحسم الوطن أحب أقول لسيادتك إن دى مناسبة مهمة نطالب فيها الحكومة ترفع إيدها عن الصحافة .

عبد الكريم: يعنى إيه ؟

أحسم اللي أقصى مدى .

عبد الكريم: 'لكريمة' إيه رأى سيادتك ؟

كــــريمـة: طبعًا عنده حق.

الجرسونة: كمان مافيش حد يحط إيده على الصحافة والصحفين .

عبد الكريم: يا جماعة إنتم مافيش حد حاطط إيده عليكم. إنتم اللي بيحط إيده عليكم بتبهدلوه لغاية ما يرفع إيده عليكم بتبهدلوه لغاية ما يرفع إيده ورجله كمان "لكريمة" مش كده برضه.

كـــريمـة: مش قوى كده.

الجسرسسونة : مش كل الصحفيين بيعملوا كـده ، فيه صحفيين كل المحفيين كل المحفيين كل المحفيين كل المحفيين كتير قوى عمرهم ما يلجأوا للابتزاز .

العسبسوز: كلامها صحيح يا سيادة النقيب.

عبد الكريم: طيب ولما نيجى فى موقف وطنى زى ده ونطالب الحكومة بمطالب خاصة تبقى إيه يا سيادة الشيخ المجرب.

العبوز: ابتزاز إيجابي.

كسسريمة: اعمل لهم إللى هما عايزينه يا عبد الكريم، أنا زهقت من القاعدة عايزة أفرد جسمى على السرير.

عبد الكريم: "منفعلاً" يا جماعة اجتماع النهاردة مش اجتماع مطالب إحنا على أبواب حسرب، يمكن يعد ساعات، عايزين نشوف إيه إللي ح نعمله للوطن.

حسم اده: إعادة الصحف الملغاة ، إلغاء قانون الطوارى، ، إلغاء الحبس الاحتياطى ، احترام كارنيه اتحاد الكتاب ، عدم ضرب الناس فى الأقسام ، دى مطالب مهمة جدًا ودى الفرصة لتنفيذها .

أحسم : إطلاق حرية إصدار الصحف بدون قيود مالية أو إدارية .

عبد الكريم: "لكريمة شكل الاجتماع كده ح يبوظ.

كسيريمة : نفذ المطالب يا عبد الكريم ، خلص نفسك .

كــــــرم: "من جوار النصبة" كده المشهد ح يطول ، خلصنا يا سيادة النقيب قبل ما يطلبوا حاجة تانية.

عبد الكريم: سوف أتقدم بمطالبكم جميعًا لرئيس الجمهورية. " "بمسك ورقة" سأقرأ عليكم صيغة برقية للرئيس.

الصحفيين: موافقين، اتفضل.

عبد الكريم: "بقرأ" نحن الصحفيون المصريون ، وفي هذا اليوم التاريخي ، نهيب بفخامة الرئيس أن يأمر بإعادة جميع الصحف التي منعت من الصدور ، التي نعرفها ولا نعرفها ، وأن يكون القانون هو الفيصل بين الصحافة وخصومها ، صحافة حرة تعنى شعب حر ، شعب حر يعنى الانتصار على الأعداء ، تحيا مصر .

صمت للحظات ، للمخرج "عندك حاجمة تانية يا أستاذ".

كــــرم: برقية للقيادة العسكرية.

صوت طائرات تعبر حاجز الصوت.

كـــريمة: دى بأه فوضوا عبد الكريم يكتبها ، لازم نفض الاجتماع بسرعة .

عبد الكريم: "نازلاً من خلف المنصة" دلوقت انتشروا بين الشعب، شوفوا شوفوا نبض الشعب، شوفوا مشاعره. شوفوا إحساسه شوفوا مطالبه ، عينكم على أعداء الشعب ، أوعوا يتحركوا بين الناس .

"أصوات الانفجارات تتوالى ، الأضواء ترتعش ، يبتعــد عبد الكريم وكريمة إلى ركن" .

كسسريمة : إنت رايح فين يا عبده .

عبد الكريم: ح أبعت البرقيات ، ابعتها وإلا نروح على السرير، أنا متلخبط .

كسسريمة : ابعتها من على السرير يا عبده .

"خلال ذلك يتسلل أحمد وحماده ويدخلان الكواليس ويعودان بملابسهما العسكرية ، يجلسان خلف موقع عسكرى أعد بسرعة في الخلفية وراء رشاشين أو بندقية، يضيىء المسرح. يتوقف صوت الرصاص.

كــــرم: "ضاحكًا" كلكم خفتم وفكرتم إن الحرب بدأت.

العسجوز: أنا ركبي سابت المرة دى .

كسيريمة: أخص عليك يا أستاذ.

الجسرسونة : "ترتدى البالطو" متهيأ لى أقدر أروّح .

كـــــــرم: كل واحد في مكانه ، لغاية ما أفكر في النهاية . رجعوا المكان قهوة .

"موسيقى حالمة يعيدون المكان مقبهى فى صمت ، أحمد وحمادة كما هما خلف التبة العسكرية".

أحسم دى ما بتتعبش ؟

أحسمسد: يتهيألي فيه حاجة غلط في الدنيا. لازم يتعبوا .

مش معقول أكثر من خمسين سنة فى حرب مستمة كده.

حسماده: مش مكفيهم إللي إحنا عملناه في نفسينا ، دا إحنا كل حتة في بلادنا بأت أمريكاني ، حتى اللغة وأسماء المحلات ، عايزين مننا إيه تاني ؟

أحسم عند إللي جابوا أهاليهم. "عايزين يشغلونا خدامين عند إللي جابوا أهاليهم. "يمد عبد الكرم يده إلى الكواليس، يتناول من يد أخرى قناعًا لشارون، يضعه على وجهه يقترب من المقهى".

الجسرسونة : إيه ده شارون عندنا .

عبد الكريم: 'يرفع القناع للحظة' اسكتى ليصدقوا يموتونى ، "بنفعل' سنهاجم مصر بكل الأسلحة وكل الدول العربية في متناول يدنا ، وكل العالم تحت أرجلنا، لدينا أسلحة نووية واستراتيجية . وتكنولوجية .

يسسوسسف : "من خلف النصبة" وعنب وبطيخ .

العسجسوز: رافعًا قناعًا مكتوب عليه مندوب مصر في الأمم المتحدة، يقف "سيناء مصرية، إسرائيل استباحتها بحثًا عن فدائيين فلسطيينيين لا يدخلونها، لا يمكن أن ننتظر حتى تحتلها إسرائيل، إسرائيل تهدد باحتلال سينا إسرائيل لن تستطيع ولن نسمح لها، لكننا مازلنا مع ضبط النفس وليس لدينا نية بالهجوم على أحد".

يسسوسسف : 'من خلف النصبة يائسًا" تانى لن نبدأ بالهجوم ، طيب ربنا يستر .

كمسسسرم : إنت حولتوا القهوة لمجلس الأمن .

الجــرسـونـة : المجلس هو إللي اتحول من فضلك، أنا ماشية..

كـــرم: على فين ؟

الجسر سونة: "اتمشى ناحية الكواليس"، ح تشوف "تختفى" عدد من الشباب يمرون رافعين لافتات مكتوب عليها الطلبة والعمال المصريين يضعون أرواحهم فداء للأمة، يعودون من الناحية الأخرى بالجنزات والتي شيرتات ولافتات مكتوب عليها "arrete israel" "stop israel" وتحتها اسماء دول مثل فرنسا، النرويج، ألمانيا ... إلخ.

حسم اده: "من خلف القبّة" تصدق أوروبا المرة دى معانا .

أحسم الشباب الجديد مختلف.

حسمسادة: والأقمار الصناعية غيرت وجهة نظر ناس كتير، (في ركن الشاشة تظهر عليها مظاهرات ضخمة للفلسطينين).

العسجسور: إن العمال العرب في كل موانى العالم العربي ومطاراته يتوقفون منذ الآن عن تفريغ أي سفن أو طائرات أمريكية.

المسديسة : "من التليفزيون" لا يزال الطيران المصرى يحلق فوق أراضينا يرصد كل حركة للعدو ، وفي نبأ عاجل من المملكة العربية السعودية أمر العاهل السعودي بالصلاة أسبوعًا من أجل مصر . . "بعد لحظة" طبعًا غير الفلوس .

كــــرم: فين الجرسونة ؟

تدخل المسرح صامتة ملئمة بغترة فلسطينية ، تذهب إلى ركن في الخلفية ، يدوى انفجار دخان حولها ، تختفي ، يظهر المذيع على الشاشة .

'منذ لحظات' قامت فتاة فلسطينية كانت تعيش في مصر بتفجير نفسها في مبنى وزارة الدفاع الإسرائيلية .

المبنى يتصدع ، الرعب يسيطر على العسكريين ، أول التصريحات من وزير الدفاع يقول القد ظننا أن طائرات مصر دخلت المجال الجوى وضربتنا المظاهرات تندلع في إسرائيل تطلب فتح باب السفر إلى الخارج . . .

كــــرم: فين الجرسونة ؟

ي ما هي إللي راحت عملت العملية الأخيرة .

كملية بصحيح .

ي صدق بالله يا كرم ما فيه حد بيمثل غيرك إنت .

كــــــرم: "يتقدم لوسط المسرح"، يعنى إيه، كل إللى فات دا كان حقيقي.

المدذيبع : الدول الكبرى تبذل محاولات مستميتة لوقف الحرب، يقف الممثلون مثل كورس خلف كرم . العبول: السلام جميل ، لكن إذا كان لابد من الحرب فلا مفر .

أحمد وحماده: إذا كناح نموت فهناك الملايين حتعيش حرة ، ترتفع الشاشة تختفى ، يظهر العمال والطلاب والجنود شيئا فشيئًا خلف كرم ، ترتفع أغنية رايحين ، راجعين ، شايلين فى إيدينا سلاح ، يمشون فى أماكنهم لحظات ثم يخرجون مع الموسيقى .

ستار نهاية المسرحية.

الفهرس

V	شخصيات المسرحيه
4	الفصل الأول
11	المشهد الأول
۲۱	المشهد الثاني
44	المشهد الثالث
٥٧	الفصل الثاني
09	المشهد الأول
٧١	المشهد الثاني

طبع بالهيئة العامة لشئون المطابع الأميرية

رقم الإيداع ٢٠٠٢ / ٢٠٠٢



-

**



ازدهار المسرح يجتذب الكتاب إلى مجاله، من كاتب القصة أو الرواية والشاعر والصحفى وقد استهوتهم تجربة أقلامهم في هذا النوع الأدبي الساحر وهو الدراما.

في الستينيات اجتذبت نهضة المسرح أقلام كتاب القصة القصيرة: نعمان عاشور ويوسف إدريس وسعد الدين وهبه ، كما اجتذبت من دنيا الشعر الفصيح عبد الرحمن الشرقاوي وصلاح عبد الصبور، فكان إسهامهم في مجال الدراما والأدب المسرحي من أبرز إنجازاتهم في الأدب ، كما كان من أبرز إنجازات الدراما في نهضة المسرح في الستينيات.

> وها نحن نرحب بكاتب الرواية إبراهيم عب فى أول تجربة مسرحية بقلمه وهى مسرحية « قبل الحرب » ، ويسعدنا أن تكون بادرة إقبا من كتاب القصة إلى كتابة الدراما المسرحية ،

X.